

支那通史

那珂通世編

卷一

甲
第六十六號

リ 8
39
1



那珂通世編

文部省檢定 師範學校 中學教科用書

支那通史

東京中央堂發兌

支那通史序

支那通史序

四書五經者支那之精神命脉也舍是

而支那之事不可得而知也其他温公

通鑑可以鑑治亂得失之事實馬氏

文獻通攷可以審典章濶度之沿革

皆必用之書也吾輩少年時得肆力

門伊8
號99
卷1

東京中央堂發兌

文淵通史卷之二
經史由于當日洋學未興也。至今日則士子當學之科目甚多。以故四書猶有未全讀者。況五經乎。況通鑑通攷乎。余竊以為海內士子。有甲乙二種。甲為專門學科之士。乙為隨意學問之士。士子之欲為甲者。當授之以四書及簡易之支

那史。然後專從事于洋學。其欲為乙者。涉獵十三經。念二史。可也。研究枕策。可也。讀希伯來書。可也。廣通諸國方言。可也。所謂隨意者。非吾之所得而限也。今世所行支那史之簡易者。如六史略。通鑑掣要。非不良善。但止于紀事實。而不


及典章法度。此為可憾。那珂通世氏
此書紀事實。而及制度。畧古代而詳
近世。不獨采於支那史。而兼收洋人所
錄。簡易明白。一覽了然。甲種士子使用
之書也。四書既卒業。則若此書者。當
次而讀焉。中央堂刻此書。求余題

言。于是乎書。

明治廿一年四月敬宇中村正直撰



陽明廿一未四月癸卯中林五真錄
言下吳平書



文那通史序

漢土史書之體大要有二曰紀事曰典故上古
之史二者出于一而後世歧而二之故尚書春
秋紀事之書也而自巡狩朝覲禮樂兵刑
大至天文地理田賦物產之類具見于典謨
誓誥之中而周室班爵之制列國封壇
等會盟征伐之法左氏所記歷可徵故曰

周禮盡在魯此古之史法也及司馬遷變史
體紀事則係之紀傳典故則別載之書班
固以下相沿不改二體之分蓋昉於此然猶曰
就一書而分之也其後荀彘司馬之於紀
事杜氏馬氏之於典故各自為體不得會通
於是二者截然如割鴻溝其勢然也方今
文教大開學官所頒科目頗多其入庠校

者課業有程不能復專攻一科如往時則依
古史之意并合二體以便循覽豈非今日之
要務乎那河通世氏有見於此尚書春秋而
下採摭諸書兼參西洋史例排纂數年
勒成一書名曰支那通史其為書舉歷代治
亂存亡之點與夫地理風俗朝章國故之要
會萃而類別之詳而不蕪簡而有要今日適

用之書莫過於斯編矣憶余注年與其先
人梧樓君交文酒徵逐縱談古今常至燭跋
燈地君嘗編小學讀本未暇及其他而歿忽
十餘年堂構有人能成斯書以紹述先志若使
君而在其喜可知已及其請序一則欣然以喜
一則愴然以悲也

明治二十一年戊子重陽後二日書于大碕

之録畫邨莊

島田重禮



序
清國在亞細亞最為大邦創闢六先
於萬國至今蓋四千有餘歲矣自古
相繼以國者二三十世或有不能統
而一之偏安於方隅者皆以史述有
然且不下數千卷學者若不能編覈
而悉記之況乎吾邦近歲傳西人之
學士大夫皆儲精於此其於有考於
清國治亂興廢之跡力不遑給固言

序



清國在亞細亞最為大邦創闢六先
於萬國至今蓋四千有餘歲矣自古
相繼以國者二三十世或有不能統
而一之偏安於方隅者皆以史述有
然且不下數千卷學者若不能編覈
而悉記之況乎吾邦近歲傳西人之
學士大夫皆儲精於此其於有考於
清國治亂興廢之跡力不遑給固言

宜也那珂子通世有憂於此為撰此書以以便後進之士此書也非特紀述者得失之槩凡山川形勝占夫典章文物及學藝風習隨時變遷之類皆分門收錄又副以西人講論之言令讀者易於通覽其設心抑亦忠且厚者矣蓋吾邦中世禮樂刑政皆取則於唐氏自茲厥後歷世相承所以施政敷化董帥億兆者盡先王之舊

也今則多依倣西人之所為而先王之法及禮制靡靡然幾于熄矣夫務觀於異邦之書者物以輔乎我也學者脩西人之言天文曆數至凡百技藝之究精博固善矣然若禹域之櫛克舜仲尼之道為象世建之模楷在古治化文為之盛及當時士子制行之懿固多足為後世論為左社之域也既而棄之亦非君子多

聞擇善之道且与我風壤相接凡事
多酷相近者是學者固不能無取於
彼邪也果然此書也予之裨於後生
小子豈不至大手刻既成通世同享
於予因書以告讀此書者

明治戊子十二月

龜尾秀岡松辰撰并書



支那通史卷之一目錄

首篇 總論

第一章 地理概畧

第二章 人種之別

第三章 朝家屢易附史分三紀

上世史

第一篇 唐虞

第一章 唐虞之國勢

第二章 數十世開創

第三章 堯舜事蹟

第二篇 三代

第一章 夏后氏

第二章 商之興亡

第三章 周之盛衰

第三篇 諸侯本末

第一章 周代封建之制

第二章 十四國起原及位置

第四篇 春秋

第一章 齊桓宋襄之霸 第二章 晉文秦穆之霸

第三章 楚莊之霸附吳始興 第四章 晉業復盛附子產相鄭

第五章 春秋末諸大事楚靈驕而敗齊晉公室微弱王室之亂吳楚構兵孔子相魯

第六章 吳越之興亡附齊弒二君

第五篇 戰國上

第一章 三晉田齊興 第二章 秦孝公興附申子相韓孟軻出仕楚并越

第三章 蘇張從橫之謀 第四章 燕齊之勝敗附孟嘗君事

第五章 趙武靈王及藺相如

第六篇 戰國下

第一章 秦連攻三晉附秦滅周平原信陵春申好客

第二章 秦并六國 第三章 四夷遠斥

第七篇 世態及文事

第一章 名字姓氏及世族 第二章 嫁娶之制附宮妾宦官

第三章 喪祭之禮附卜筮仙術 第四章 陰陽五行之說

第五章 文書之沿革 第六章 先秦典籍

第八篇 先秦諸子

第一章 學風之變動 第二章 孔子畧傳

第三章 老子及楊墨列莊 第四章 孟荀及同時諸子

第五章 法家諸子

附錄 歷朝興亡禪代圖三代世系齊晉及七國世系周秦列王在位年數

支那通史總目錄畧

- 卷之一 總論 上世史唐虞三代春秋戰國
- 卷之二 中世史上秦漢三國至晉并吳
- 卷之三 中世史中晉南北朝隋唐
- 卷之四 中世史下五代遼宋至寧宗開禧中金至章宗末年
- 卷之五 近世史上自蒙古始興至元惠宗北遷
- 卷之六 近世史中自明太祖時至毅宗時清太宗時
- 卷之七 近世史下自清世祖時明帝由松時至今

支那通史卷之一

盛岡

那珂通世編

首篇 總論

第一章 地理概畧

一節 支那帝國又名大清國亞細亞洲之大國也土地之廣亞於露英人民之眾冠於列國東隔東海與我日本國相望南臨南海接壤安南南掌緬甸西南以喜馬拉山與印度分界東北有烏蘇里江黑龍江北有阿爾泰山西有天山葱嶺皆以與露國分界東西千三百餘里南北八百餘里面積凡七十二萬方里幾居亞細亞三分之一

二節 東南一大部支那本土也縱橫各五百餘里面積二十五萬方里大於我日本十倍其地屢經朝家之興亡國號隨變無一定之稱國人自稱曰中國蓋以為居天下之中也又曰中華或曰華夏猶言文明之邦也此皆對夷狄之稱而非國名也大

清者今代之國號即所以別於前朝也與外國相對亦用此稱外人概謂之支那此非國人所自名昔秦皇帝威震四夷故西北諸國遂呼其地曰秦後轉為支那也漢朝代秦有國四百餘年其後唐朝興有國殆二百年皆遠通外國故又曰漢曰唐稱其民曰漢人或曰唐人三節國中連山大者數條概皆與崑崙山脈相連崑崙在天山之南喜馬拉山之北羣峯東趨分為數支東南入中國為雪嶺雲嶺岷山岷山又分二支相並而東南支為劍山為漢南諸山至荆山而極北支為朱圉嶓冢終南太華又東為熊耳嵩高山勢南折為方城桐柏諸山又轉而東至天柱而極西人謂之北嶺北嶺支脈北出者曰吳山隴山橋山雲嶺之東南有越城騎田大庾諸嶺九疑武夷諸山蜿蜒數百里達于東海之濱謂之南嶺騎田大庾之間有大支脈北出其高峯曰衡山崑崙之一支稍北者曰祈連山東過中國之北為賀蘭山陰山興安嶺又東為醫巫

閭山長白山又有山東山西諸山山西諸山與陰山相連其長嶺曰大行高峯曰恒山霍山山東諸山自為一羣不與諸大嶺相連續其高峯曰泰山沂山四節國中有二大川曰河曰江河水發源崑崙之東斜過中國西北隅北出塞外遇陰山而東折謂之北河轉而南復入中國過大行橋山之間謂之西河遇北嶺而東謂之南河又轉東北謂之東河終注于渤海其水溷濁帶黃色故號黃河長凡一千餘里下流多水患流域屢變古時自南河轉北入大陸澤東北會于濕水而河東別有濟水畧同今河道其後河流漸東徙與濟合遂轉東南以會于淮至三十餘年前復轉徙東北今河道是也其支川大者左有汾水右有渭水洛水三水皆名著於史江水出于河源之西東南入中國名金沙江轉而東北與岷江合始稱大江東流并洞庭鄱陽兩湖之水注于東海下流一名揚子江長凡千三百餘里大船可航四百里小船可溯七百里實為

亞細亞第一巨流支川大者十餘皆大於我石狩川而漢水最顯
漢朝漢土之號實本於此水名其外大川甚多濕水一名永定河
發源大行之西北并河北諸川注于渤海淮水發源桐柏山并河
南諸川匯為洪澤注于東海粵江發源金沙江之東南東流三百
里入南海大次江河節五南北二嶺橫絕中國地勢分為三帶北
嶺淮水以北為北帶其南至南嶺為中帶中帶之南為南帶清朝
置十八省以分轄中國其六省在北帶曰直隸山東山西河南陝
西甘肅直隸為清之畿輔京城位其北在永定河之左七省在中
帶曰江蘇安徽浙江江西湖北湖南四川唯江蘇安徽北境踰淮
入北帶四省在南帶曰福建廣東廣西雲南一省跨中南二帶曰
貴州南帶之南有二大島曰臺灣瓊州臺灣隸福建瓊州隸廣東
頃聞清朝將建臺灣為一省未詳其果然否節六各省有異名直
隸曰燕山東曰齊山西曰晉河南曰豫陝西曰秦甘肅曰隴江蘇

曰吳安徽曰皖江西曰江四川曰蜀貴州曰黔雲南曰滇又合稱
陝西甘肅曰陝甘江蘇安徽曰江南江南江西曰兩江湖北湖南
曰湖廣又曰楚福建浙江曰閩浙廣東廣西曰兩廣又曰粵雲南
貴州曰雲貴節七北帶者支那人種之所初建帝國也歷代國都
多在此中黃河左右自古稱為中原治世則常為文物之會亂世
則必為兵爭之地中帶之民勢力常遜北人而土田之美水運之
利却勝北地支那之富源實在於茲故戶口繁殖殆倍北帶而四
倍南帶江蘇安徽浙江三省人煙最稠密幅員不大於我邦而人
口殆三倍之南帶昔時為荒裔之地自西國通商以來埠頭並設
賈舶雲集遂為富盛之地節八直隸省之東北一部曰滿洲雖在
塞外為清朝直轄之地置盛京吉林黑龍江三省謂之東三省朝
鮮國在滿洲之南斗出於東海日本海之間北以圖們江長白山
界吉林省西北以鴨綠江界盛京省南端近接我邦距對馬島直

徑僅十五里九中國之西北一帶東至興安嶺西至葱嶺南至喜馬拉山地勢隆起為一大高原平地出於海面約數千尺或至一萬餘尺其地去海甚遠羣嶺遮蔽其東南太平印度二洋所發之雲氣莫能達之是以土壤乾枯少雨露之澤有大沙漠橫互九百里起興安嶺達于崑崙之阨土人名曰戈壁漢人或謂之瀚海一高原諸部落地界不甚明大別之曰蒙古伊犁青海西藏又有甘肅省所轄地斗入諸蕃部之間西包羅布泊北據天山其東為蒙古其西為伊犁其南為青海蒙古跨沙漠分為二部漠南曰內蒙古漠北曰外蒙古伊犁跨天山亦分南北二部北曰新疆一名天山北路南曰回疆一名天山南路青海湖名也今為河源地方之總稱西藏在青海及崑崙之南地最高山最峻金沙江及南亞細亞諸大川瀾滄江路江布喇麻發源于茲其地分東西二部曰前藏後藏此大清疆域之大畧也

第二章 人種之別

一清國人民概屬西人所謂黃色種者骨格容貌與我邦人不甚相異而種類甚多其大者六曰支那種曰韓種曰東胡種曰韃靼種曰圖伯特種曰江南諸蠻種支那種者即漢人也自稱曰華人創開支那者此人種也初居北嶺之北夙敷文化于河濱後繁衍于江淮遂達于南海十八省皆為其占據塞北海外亦多遷居漢人甚重文字士大夫講學專務文藝所奉教法有三曰儒曰佛曰道有文學者皆崇儒教無學之民或奉佛教或奉道教或併奉佛道二教而二教之徒亦大抵崇儒又有奉基督教者其徒未眾二韓種又名高麗種今朝鮮人是也文化夙進亞於漢人學者專用漢文又有國字稱諺文者猶我邦有假字也崇儒奉佛與漢人同而道教不甚行焉韓人對外國稱自主之國然世奉朝貢于清為其與國三東胡種者謂滿洲及露國東止比利土人也有數

種焉稱滿洲種者獨盛清朝祖宗自此而興帝室宗戚及諸旗人
 遷入中國者已與漢人混和儀容風俗殆無大異節四韃靼種分
 為二種一曰蒙古種居內外蒙古及青海以畜牧為業屢逐水草
 轉移風俗朴陋信奉佛教二曰土耳其種又名回回居回疆及中
 西亞細亞諸國或遷居中國皆摩哈麥教徒也回疆之民土著勤
 耕牧或事商販風俗比於蒙古為稍優蒙回二種俱出於古匈奴
 勇悍善鬪東亞細亞諸人種中大著名於西史者此二種也節五
 圖伯特種居前後兩藏自稱印度利帝利種之裔蓋韃靼印度兩
 種相混者也多事耕織又善工藝信佛教甚深有教王曰喇嘛尊
 崇如神蒙古佛徒亦多宗奉之滿洲韃靼皆有國字與漢文異圖
 伯特人以國字譯佛經卷秩頗多韃靼圖伯特諸部皆臣屬清朝
 而政教多從其民俗不用中國制度唯羈縻之而已節六江南諸
 蠻小種落甚眾不暇枚舉其稍著者三種一曰苗居湖南貴州二

曰瑤居湖南兩廣三曰獠居雲南諸種皆性極頑陋在眾夷中為
 最少蓋皆太古土人遺裔及漢人繁殖退據山谷者也清朝設土
 司任其自治雖悉屬各省之轄而不與郡縣同制節七各種民口
 不詳大約漢人三億六七千萬滿人韓人各千餘萬韃靼圖伯特
 各數百萬江南諸蠻數十萬統計全國蓋不下四億而其十分之
 九漢人也今宇內之民殆十有五億分為數百種獨漢人以一種
 居其四分之一其繁殖之盛五洲無比支那史者漢人之史也漢
 人為之主而韃靼東胡參之遞為盛衰以成東亞細亞之沿革至
 近世韃靼種稍衰滿人以東胡遺種大興遂定今代之業今以其
 民口較諸漢人不過百分之三然既秉主權稱為貴種漢人雖眾
 勢力反不及之也

第三章 朝家屢易附史分三紀

支那者宇內之舊邦也開創以來數千年異姓更王興亡相踵

統一中國者凡十四代曰唐虞夏商周秦漢晉隋唐宋元明清據

一方而為帝王者周末有七王國秦楚齊燕趙魏韓漢晉之際有魏漢吳三

國晉時有五胡十六國成前趙後趙前秦後秦西秦前燕後燕南燕北燕前涼後涼南涼北涼西涼夏晉隋之際有宋齊

梁陳相繼為南朝後魏北齊後周為北朝唐宋之際有梁唐晉漢

周五代及九國前蜀後蜀吳南唐吳越閩楚南漢北漢五代及宋之時遼金相繼為北朝北

朝之西有西夏西遼其外偽朝小國倏起倏滅者不可勝數歷朝興亡禪代

敢稱尊號至晉時韃靼東胡諸種始入據中國為帝王是為五胡

後魏遂以東胡種初建大國北齊後周以其種類繼之隋唐之際

韃靼復盛後唐後晉以其支裔帝中原遼以東胡種父雄于北邊

金又繼之中國之大半屬於東胡及元起于韃靼滅金并宋混一

華夷全國始歸胡人之統轄矣明逐元人而中國復戴漢主者殆

三百年清朝起于東胡取明代之道今二百餘年基業鞏固華夏

之民遂屈從於胡人矣二。漢人談治必稱唐虞三代之隆三代

者謂夏商周也其文化之盛雖不盡如漢人所稱而當四隣皆純

夷之時漢土獨為禮樂之邦政教風俗已擅美於東洋足以觀古

代開化之一例矣秦漢以下二千餘年歷朝政俗殆皆一樣文化

凝滯不復進動徒反復朝家之廢興而已其間戰亂攘奪不可勝

紀而其禍最慘烈者在胡漢陵轢之時然而胡人已取漢土則捨

其舊習輒從漢俗失其為異種之實蓋支那建國甚久成俗極固

其開化之度亦非四夷之可及故胡人或能以其武勝漢而以其

文則必自服於漢雖胡君在上其國則依然漢唐之中國也國民

之情態一定不變無進無退恰如在範型之中此支那開化之所

大異於西國也二。然其間有治朝有亂世如秦晉隋雖暫成一

統其業不長漢唐宋運祚久延政俗又有可觀者故昔人或稱之

為後三代其後元明清相踵皆為隆盛之朝此亦足稱近世三代

矣然則古三代之後二十六朝秦漢三國晉宋齊梁陳後魏北齊後周隋唐五代遼宋金元明清其可稱盛世者即兩次三代也故今圖編述之便假分古今為三大紀自唐虞三代至六國并於秦二千餘年是為上世自秦歷漢唐至宋金之衰千四百餘年是為中世自元初歷明至今六百八十年是為近世中世近世又各因其三代分為三紀每紀以一卷充之以敘歷代治亂分合之概畧庶幾初學之徒或得由以察我隣邦開化之大勢矣

上世史

第一篇 唐虞

第一章 唐虞之國勢

節支那開化甚古較之亞細亞西南諸舊邦最在其先唐虞之世距今四千一百餘年先於我邦紀元一千六百餘年漢人之祖先既為土著之民號稱華夏本業稼穡樹藝五穀桑麻織布帛錦綺製陶器漆器冶鑄諸金雕琢珠玉營宮室作舟車設市場交易百貨有文書曆算律度量衡諸大族各據城邑為君長謂之羣后即諸侯而小者也其數甚衆號為萬邦而戴一帝以為宗主謂之元后節又稱天子禮樂刑賞之制皆畧備節其聲教之所及四百餘里分為九州一曰冀州在河之北今直隸山西也二曰兗州在河濟之間今直隸南境山東西北境也三曰青州自渤海至泰山今山東中部以東也四曰徐州自泰山至淮今山東南境江蘇安徽

北境也五曰揚州自淮至南海今兩江閩浙也六曰豫州自南河至荆山今河南及湖北北境也七曰荊州自荆山至衡山之南今湖廣也八曰雍州在西河之西今陝甘也九曰梁州在華山西南今陝西南境及四川也冀兗青徐豫雍六州皆在北帶揚荆梁三州在中帶而兩廣雲貴未入州域也二四國都在冀州西南傍近之地可方百里曰甸服天子之國也甸服之外有侯服侯服之外有綏服皆羣后所國也綏服以內殆三百里文化先被之地古所謂中國也綏服之外有要服荒服各種夷狄居之因其方名之東曰夷南曰蠻西曰戎北曰狄在九州中為羈縻之部落時時貢其方物

第二章 數十世開創

二五自唐虞而上邈不可考古書有三皇五帝之號而不指名其人史家或以大皞炎帝黃帝少皞顓頊為五帝或以黃帝顓頊帝嚳

唐堯虞舜為五帝或以大皞炎帝黃帝為三皇以少皞顓頊帝嚳堯舜為五帝或以天皇地皇人皇為三皇以大皞炎帝黃帝堯舜為五帝或曰大皞炎帝黃帝直相承而帝或曰大皞傳十五世炎帝傳八世衆說紛紛不定二六所謂天皇地皇人皇者非實有其人後人徒設其名以表三才開始之序也舊史記大皞炎帝黃帝之事者亦多雜荒誕之說今莫由辨其真偽其叙三帝開創之功甚詳曰大皞始畫八卦造書契制嫁娶結網罟養犧牲造琴瑟曰炎帝始造耒耜教民耕稼嘗百草製醫藥教民日中為市曰黃帝始作器用作貨幣作舟車制衣冠營城邑命蒼頡制文字大撓作甲子容成作曆隸首作算數伶倫作律呂元妃嫫祖教民育蠶凡人生利用之事悉以為出於太古羣聖人之制作至於巢居火食衣木皮之類亦舉其創制者然當草昧之世華夏之民亦不過為一種夷族豈有所謂羣聖者哉其稱制作者蓋非出於一人一世

之造意積數世之經驗而後成特足以徵民智漸開之度而已
節七今由唐虞國勢之隆以意推之支那之嚮於開化蓋已歷數百
千年矣且漢人恐當非支那土人夫北帶之地雖稱為中原固不
如中帶之沃饒而暖然而漢人不先居中帶而自北帶起者蓋
由其本土在西方沿河流而東遷也當其入支那江淮已有諸蠻
散處故先據河北漸拓地于南疆及種民益繁智力益進則攘斥
四夷營城設邑遂開絕大帝國分劃九州統一萬邦此必數十世
開創之業而年代世系不可得知至於唐虞時人文既開庶績咸
熙歷代之史自是可得而述也

第三章 堯舜事蹟

節八堯舜者儒者之所最稱述支那百王所為儀範也然其言行多
出於後人假托可擇而取堯之事業較可信者有二焉其一定曆
法也堯命羲和主曆象測日行一周天之期定為三百六十六日

以月行十二回為一年置閏月以正四時後世作曆皆原於此法
而加修正也其二治洪水也當堯之時洪水橫流氾濫於國中民
不得定處堯命崇伯鯀治之九歲功不成聞虞舜之賢舉以為相
舜使鯀之子禹平水土卒以成功 節九舜者瞽瞍之子世邑于虞

今山西蒲州府父頑母嚚弟象傲舜耕稼陶漁以事父母克諧以孝使不至

姦堯妻以二女嬪于虞舜遂相堯攝國事巡狩四嶽 東嶽泰山南嶽衡

山恒觀羣后協時月同律度量衡修羣后朝聘之禮五歲一巡狩羣

后四朝有治功者賜以車服罪人用五種刑曰墨劓剕宮大辟五

刑之可宥者以流放代之輕罪又用鞭朴鞭為官府之刑朴為學

校之刑或得出金贖其罪謂之贖刑流共工放驩兜竄三苗極鯀

四罪而國民咸服共工驩兜與鯀皆事堯得罪三苗者湖南苗蠻

之先也據荆揚之間 今江西九江府湖北武昌府及湖南東境負險作亂故執其渠酋竄逐之

也堯初居陶 今山東曹州府定陶縣一說後遷于唐 今山西太原府太原縣故號陶唐氏

及為帝都平陽今山西平陽府堯子丹朱不肖因遜位於舜堯崩舜陟帝位

于虞號有虞氏節三舜時官制略可得考禹初為司空此掌土之

官也後宅百揆謂總理庶政也棄為后稷播百穀契為司徒敷五

教於民五教者父義母慈兄友弟共子孝也皋陶為士主五刑垂

為共工治百工伯益為虞掌山澤伯夷為秩宗典祭祀之禮夔典

樂諧八音以教胄子胄子者謂世家子八音者金石絲竹匏土革

木也龍為納言出納帝命我大納言之職即本之也三歲考功三

考乃行黜陟九官皆協其職而禹皋陶稷契益最顯故曰舜有臣

五人而天下治舜亦以其子商均不肖遜位於禹

禹貢九州圖




夏后氏

禹貢九州圖




禹貢九州圖



夏后氏



夏后氏




十

禹貢九州圖



禹貢九州圖



卷之二 唐虞

軍府
學核
圖譜

第二篇 三代

第一章 夏后氏

三節禹之治水也居外八年三過其門而不入陸行乘車水行乘船
 泥行乘橈山行乘櫓決九川至海濬畎疇至川通道路開水運因
 定九州貢賦立五服之制萬邦人安四夷來王唯苗民桀鰲不服
 禹奉舜命攻逐之自是苗種益衰不能復抗華夏舜崩禹受禪為
 元后號夏后氏都安邑今山西解州夏縣不稱帝而稱王王亦至尊之號也
 是後三代之君皆稱王禹令九牧貢金鑄九鼎圖百物之形三代
 相傳以為王者寶器三節禹崩子啓賢能承繼禹業諸侯有扈氏
 無道啓與戰于甘滅之扈國今陝西西安府鄠縣甘扈之南郊啓子太康淫放失國遷于河
 南而崩弟仲康立仲康崩子相立夏后氏衰有窮后羿逐相而代
 夏政窮國今山東濟南府德州用寒促為相羿善射荒於遊畋寒促專國外內咸服
 羿為家衆所殺促因羿室生澆及豷後使澆用師滅斟灌斟尋氏

夏后氏



斟灌故城在山東青州府壽光縣東北斟尋故城在山東萊州府濰縣東殺夏后相相妃有仍氏女方娠逃歸于

有仍生少康焉及長為有虞庖正虞舜後封國今河南南歸德府虞城縣有田一成有衆一

旅能布其德以撫夏衆夏遺臣靡收二國之燼以滅促而立少康

少康滅澆于過國名在山東萊州府城西北使其子季杼滅豷于戈國名所在不詳夏復興焉

少康崩季杼嗣位三三自杼歷六世至孔甲夏亂孔甲後三世曰

癸暴虐號為桀伐有施氏有施以末喜女焉有寵所言皆聽崇侈

縱慾以殫民財關龍逢諫桀殺之國人大崩遂為商湯所滅夏后

氏有國十有七世凡四百有餘年世系見卷末附錄以下商周及周末諸大國皆同

第二章 商之興亡

三四湯子姓契之後也契為唐虞司徒封于商今陝西商州傳十餘世至湯

居亳今河南歸德府治與葛今歸德府寧陵縣為隣湯事之葛伯放而不祀曰無以供

犧牲也湯遣之牛羊葛伯食之又不以祀曰無以供棗盛也湯使

亳衆往為之耕老弱饋食葛伯率其民要而奪之不授者殺之湯

始用師征之征十一國而諸侯無敵者初莘國名今河南開封府陳留縣人伊尹見

桀有所告不用伊尹去之湯使人聘之乃歸湯凡五就桀五就湯

遂相湯伐桀放之南巢今安徽廬州府巢縣諸侯奉湯為天子是為商王成湯

號伊尹曰阿衡事在我紀元前千九十年湯孫太甲顛覆湯之

典刑伊尹放之桐今山西絳州聞喜縣二年太甲悔過自怨自艾以聽伊尹之

訓尹乃奉歸于亳太甲脩德諸侯歸之廟號太宗三五自太甲歷

四世至太戊用伊陟為相勤於政事商道復興廟號中宗太戊之

後商寢衰亂然十餘世間賢君三作曰祖乙盤庚武丁盤庚遷于

殷今河南河南府偃師縣自是商又號殷武丁久勞于外學于甘盤及即位三

年默以思道使人求四方之賢聖有傳說者隱于傅巖在山西解州平陸縣東北

築道以供食武丁舉以為相殷大治諸侯咸朝伐鬼方夷狄之國所在不詳三

年克之廟號高宗三六自高宗歷四世至武乙遷于河北今河南衛輝府淇縣

武乙無道陵侮天神曾孫帝辛號為紂有智辯材力過人伐有蘇

武乙無道陵侮天神曾孫帝辛號為紂有智辯材力過人伐有蘇

武乙無道陵侮天神曾孫帝辛號為紂有智辯材力過人伐有蘇

武乙無道陵侮天神曾孫帝辛號為紂有智辯材力過人伐有蘇

武乙無道陵侮天神曾孫帝辛號為紂有智辯材力過人伐有蘇

武乙無道陵侮天神曾孫帝辛號為紂有智辯材力過人伐有蘇

武乙無道陵侮天神曾孫帝辛號為紂有智辯材力過人伐有蘇

武乙無道陵侮天神曾孫帝辛號為紂有智辯材力過人伐有蘇

氏獲妲己嬖之厚賦稅重刑辟縱淫樂為長夜之飲國民怨望諸侯畔之三十七是時西伯昌興于雍州昌姬姓后稷棄之後也后稷

仕唐虞教民稼穡封于邠今陝西乾州武功縣子孫世為后稷以服事有夏及

至不窋夏衰不復務農不窋以失其官自竄於戎狄之間不窋孫

公劉遷于邠今陝西邠州復脩后稷之業庶民懷之歷八世至古公亶父

獯鬻北狄大國攻之乃去邠邑于岐山之下國號周今陝西鳳翔府岐山縣邠人慕其仁

從徙焉亶父長子曰太伯少曰季歷季歷娶太任生昌太任賢教

昌有方古公卒太伯不嗣逃奔蠻夷以讓季歷立稱公季公季

卒昌立三十八昌施仁政諸侯歸之紂召昌囚於羑里城名在河南彰德府湯陰縣北七

年諸侯皆從之囚紂懼而歸之命為西伯得專征伐伯者諸侯之

長也虞今山西解州平陸縣芮今解州芮城縣之君爭田久而不平乃朝周見周人貴禮

讓慙而去俱讓其田以為間原昌禮賢下士泰顛閔夭散宜生之

徒皆往歸焉伯夷呂望避紂居海濱聞西伯善養老亦歸之西伯

伐崇國名在陝西西安府鄠縣三旬不降退脩教而復伐之因壘而降因作豐邑在鄠縣

那有其二以服事殷三十九昌卒太子發嗣為西伯以呂望為太師

號師尚父時紂暴虐不止庶兄微子啓去而之其封國王族箕子

佯狂為奴諸父比干諫而死於是西伯發東至孟津津名在河南懷慶府孟縣南大

會諸侯會者八百國遂率以伐殷師尚父督師戰于牧野殷都南郊殷師

潰紂自焚死微子降商為王六百有餘年而亡紂於湯為十六世

孫其間兄終弟及者甚多凡三十世

第三章 周之盛衰

四我紀元前四百六十一年西伯發代商為王追尊古公曰大王

公季曰王季謚昌曰文王大封建宗族功臣封太師呂望於齊封

王弟周公旦於魯齊魯見次立紂子武庚為殷後使王弟管叔蔡叔

霍叔監之王問道于箕子箕子以洪範授之洪範猶言大法上世

治道之要目也傳以為上帝所錫禹王封箕子於朝鮮而不臣子孫為箕氏有國九百餘年當時所謂朝鮮者今朝鮮西北境也箕子施教夷俗丕變朝鮮開化自此始

崩謚曰武王子成王誦幼周公為太宰攝政當國召邑名在陝西鳳翔府岐山縣西南公奭為太保保王躬管蔡流言曰周公將不利於孺子遂與武庚

為亂奄徐淮夷並興奄國故地在山東兗州府曲阜縣東徐夷故城在安徽泗州淮夷淮南之夷周公東征殺武庚

管叔放蔡叔伐奄三年討其君淮徐皆平封微子於宋見五節以紹殷

祀夏商盛時雖稱治平而世猶質朴禮制未甚明周公多才藝制

禮作樂更定制度周之文物於是燦然漢人至今豔稱以為極盛

之世節四初武王作鎬京於渭南謂之宗周此後世長安之地今

為陝西首府曰西安武王又將營東都未果成王遷殷民於洛濱

因作洛邑周公興工築王城是為東都此後世洛陽之地今河南

河南府治之王至東都受諸侯朝命周公留治而還鎬京自陝原

在河南陝州西南以東周公主之自陝以西召公主之德化大行成王崩子康

王釗立時周公已卒召公與畢邑名在西安府城西北公高相之畢公者武王

庶弟也成康之際國內安寧史稱刑不用者四十餘年節三康王

崩子昭王瑕立昭王南巡狩不返子穆王滿立世傳昭王濟漢漢

濱人以膠船載之中流船解王溺死焉穆王將征犬戎西戎祭公謀

父周公之胤國在河南開封府鄭州東北諫曰先王耀德不觀兵王不聽征之自是荒服者

不至穆王肆意周遊謀父作詩諷之以止王心王是以得沒於宮

節四自穆王歷共王懿王孝王夷王至厲王悅榮夷公以為卿士

卿士者執政也榮公好專利以教王諸侯不朝厲王虐國人謗王

王得衛巫使監謗者以告則殺之國人莫敢言道路以目王喜曰

吾能弭謗矣召公虎曰是障之也防民之口其害甚於防川王不

聽三年國人作難王流於彘邑名在山西霍州東北王子靖在召公之宮國人

圍之召公以其子代靖死靖因得脫諸侯釋位以間王政者十餘

年

周之盛衰

年及厲王死於彘，奉靖即位，是為宣王。四五是時四夷皆已畔周。

玁狁北狄大國內侵，逼京邑。宣王命尹吉甫伐之，追至太原。今山西太原府又命方

叔南討荆蠻，召公虎出平淮夷。王親率六師征徐夷，樊仲山甫輔

王賦政于外。王職有闕，山甫補之。王化復行，周室中興。既而政稍

衰，魯武公以二子括戲見王。王命少子戲為魯太子。仲山甫諫曰：

「是教逆也。」王不聽。武公卒，戲立，是為懿公。魯人殺之而立括之子。

於是宣王伐魯，立懿公弟孝公稱諸侯。從是而不睦。四宣王崩，

子幽王宮涅立。幽王討褒姓國今陝西漢中府褒城縣，褒人納女曰褒姒。王嬖之，廢

申后，以褒姒為后。生伯服，號文王弟號叔所封今河南陝州盧氏縣。公石父以諂佞得幸，為

卿士。褒姒與之比，逐太子宜臼而立伯服。宜臼奔申。姜姓國今河南南陽府申其

母國也。王欲殺之，求諸申。申侯不與，我紀元前百十一年。王伐申，

申人繒人召犬戎以攻周，殺王於驪山下。今西安府臨潼縣鄭桓公死之。晉

文侯衛武公秦襄公帥師救周。鄭晉衛秦俱見次篇破犬戎與鄭武公共迎故

太子立之，是為平王。以西都逼於戎，徙居洛邑，以岐豐之地。今陝西鳳翔府

西安府與秦自武王至幽王凡十二世，三百五十二年。而周乃東遷。自

是稱為東周。是後周室衰微，王命不行。五霸齊桓公宋襄公晉文公秦穆公楚莊王迭興，王

諸侯之會盟，以其事載於春秋書，謂之春秋之世。

第二篇 諸侯本末

第一章 周代封建之制

四七支那諸侯古稱萬國其初不過族長部酋也歷世相兼并漸生

大國夏有有窮見三節昆吾今直隸大名府開州商有大彭今江蘇徐州府豕韋今河南衛輝府滑縣皆

乘王政之衰據有東夏迭為雄長商湯之時諸侯尚有二千及周

初為千八百國周公相武王克商滅國五十封建親戚以藩屏周

兄弟之國者十有五人姬姓之國者三十八人異姓之得封者亦

十有八人姜姓最顯世為王舅妣姓出於大禹封于杞今河南開封府杞縣子

姓出於成湯封於宋見次號二王後黃帝堯舜之後皆新受封四八節

列爵惟五曰公侯伯子男公侯之國稱方百里支那里法甚短其

百里者當我十里內外是為大國伯半之稱方七十里是為次國

子男又半之稱方五十里是為小國不能五十里不達於王附於

諸侯曰附庸此建邦分土之常例也但如齊魯衛或因元勳或因

懿親特賜大邦加以附庸為東方雄藩此不拘常例王有三公九

卿及大夫士諸侯亦有卿大夫士分上中下三等王之上士特

稱元士諸侯之卿大夫之命於王者也或曰唯公侯有卿伯子男

無之九州五服率沿禹制甸服之地西自岐山東至洛汭今陝西鳳翔府以東

河南河南府以西北包河內謂南河之北今河南懷慶府河東謂西河之東今山西西南境東西百三十里南北

五六十里稱方千里謂之王畿以充王官采邑公卿受地視公侯

大夫視伯元士視子男故又稱畿內諸侯四九節古者戰用兵車故

兵賦以車算之一成之田當方一里許出車一乘卒數十人百成

為同以封公侯其賦百乘王畿百同其賦萬乘王曰兆民諸侯曰

萬民兆百萬也九州人口蓋以千萬數而甸服之民居其什一諸

侯之民平均可萬餘人然雄藩巨邦或據數同之地有民數十萬

兵車千乘其功德隆盛者王特錫命為衆諸侯之長謂之元侯或

曰侯伯制軍之法五人為伍五伍為兩四兩為卒五卒為旅五旅

為師

諸侯大夫周代封建之制 十五

為師五師為軍軍一萬餘人王作六軍以征不庭元侯作三軍以承王命諸侯或一軍或無軍帥教衛以佐元侯伯子男無軍無教衛帥賦以從諸侯有巡狩朝覲會同之禮以修上下之交王合諸侯則元侯率之以見元侯合諸侯則侯率子男以見諸侯能治其國則有慶慶以地其國不治則有讓貶爵削地或加討伐此宗周立國之大勢也五節當其盛時王畿千里固結為一大國同姓諸侯列據四方以禦外侮異姓與諸姬相婚媾亦不敢離畔然諸侯各私其土子其民所謂王土王臣者有名而無實朝政能行於甸服而不達于外服及周室衰異姓大國先生心焉諸姬亦已疏遠自相鬪爭畿內諸侯亦有圖自立者王命梗塞諸侯力攻強并弱大吞小至平王時兼并益熾唯存百七十國有爵列於伯子而地倍蕪於公侯者其大夫之大者采地踰小國號為百乘之家列國爭興軍旅不復遵王制齊楚秦晉最强盛皆擁三軍或作六軍并

國二十若二十勢威陵王國其後弱國愈滅遂為二十許國其大者七曰秦楚齊燕趙魏韓各有地百里或至二百里皆稱萬乘之國而東周削弱為一小國矣

第二章 十四國起原及位置

五節列國與周同姓者魯衛晉鄭吳燕韓魏最著魯侯爵周公旦之所封也在徐州北境今山東兗州府也都曲阜今兗州府曲阜縣周公相王室元子伯禽就封次子仕周者世為公卿稱周公衛侯爵武王弟康叔封之所封也在冀州南境今河南衛輝府也初都殷紂之墟後屢遷晉侯爵成王弟唐叔虞之所封也初國于汾水上流後遷于其下流至文侯仇定平王至文公重耳文公從曾孫大興世霸諸侯有冀州大半今山西省及直隸南境河南北境都絳絳有二故絳今山西平陽府翼城縣新絳平陽府曲沃縣鄭伯爵宣王弟桓公友之所封也在周之東都新鄭今河南開封府新鄭縣吳子爵太伯之後也據揚州今兩江之大半故都在太湖東今名蘇州府江蘇首府也燕伯爵召公

商之所封也據冀州東北今直隸河間府以北都薊今京城之地也召公之胤

仕周者世為公卿稱召公魏畢公高之後也畢公國絕苗裔畢萬

事晉邑于魏今山西解州為城縣為魏氏後世為諸侯初有冀州南境今山西西南境及河南北

境及雍州東境今陝西北境都安邑夏后舊都也後喪地於秦更開疆東

方跨冀兗徐豫四州今河南東北境及直隸南隅山東西隅江蘇安徽西北隅遷都大梁今河南首府開

封也韓晉之支族也邑于韓故城在陝西同州府韓城縣南為韓氏後為諸侯取鄭都

之其地環繞東周與秦楚趙魏相接今河南之半及山西東南境節五二列國與周異

姓者齊宋楚越秦趙最著齊姜姓侯爵太公望之所封也都臨淄今山東青州府臨淄縣

陳侯之支族也本稱陳氏後改為田事齊遂代之有青州及兗徐

之半大抵今山東省也宋子姓公爵微子啓之所封也在豫州東

境都商湯之墟曰商丘今河南歸德府也至襄公茲父一霸楚芋

姓子爵其先熊繹事周成王康王封于荊蠻至熊通始大是為武

王至莊王旅霸諸侯後愈大當其盛時有荆揚二州及徐豫南境

今湖廣兩江及河南東南境都郢今湖北荊州府也越姒姓子爵夏后少康之後也

在吳之南今浙江紹興府其故都也秦嬴姓伯爵系出於伯益益

之苗裔蜚廉以材力事殷紂周公驅於海隅而戮之其後有非子

為周孝王牧馬馬大蕃息邑諸秦今甘肅秦州清水縣在渭水上流至襄公非子五世

孫救周有功平王封為諸侯至穆公任好襄公五世孫霸西戎其後稍衰

而復大興有雍梁二州今陝西四川初都雍今陝西鳳翔府也後遷咸陽

今西安府咸陽縣也皆在渭濱趙與秦同姓祖蜚廉有居趙城者

今山西霍州趙城縣為趙氏子孫事晉與韓魏同為諸侯有冀州之半今直隸西

西大都邯鄲今直隸廣平府邯鄲縣也五三自楚子始僭王號吳越

相繼倣之其後齊魏秦燕韓趙宋皆自稱王自是王號始輕吳為

越所滅晉為韓魏趙所分韓取鄭齊取宋楚取越取魯秦終滅周

室并列國而為皇帝於是三代之諸侯盡亡

第四篇 春秋

第一章 齊桓宋襄之霸

節鄭桓公為周司徒死於犬戎之難其子武公孫莊公為平王卿

士平王欲分政於虢莊公怨王王崩孫桓王林立以虢公忌父為

卿士遂奪鄭伯政鄭伯不朝桓王以蔡衛陳伐鄭敗績蔡侯爵蔡叔度之後今河南汝

寧府上蔡縣陳媯姓侯爵虞舜之後今河南陳州府鄭人射王中肩王威不振如此五五節桓王生莊

王莊王生僖王僖王時齊侯小白始霸初小白長兄襄公無道鮑

叔牙知亂將作奉小白奔莒已姓子爵之國今山東沂州府莒州管夷吾召忽奉小白兄

公子糾奔魯襄公斃於亂小白自莒入而立是為桓公魯莊公伐

齊納子糾齊人敗之鮑叔言於魯曰子糾親也請君討之管召讎

也請受而甘心焉魯乃殺子糾召忽死之管仲請囚鮑叔受之以

薦桓公公重用之號為仲父管仲為政使士農工商異其居處寄

軍令於國政士養義勇民殖財利國以富強諸侯懾服五六節桓公

霸功之大者在攘夷狄以救諸夏是時白狄居雍州東北今陝西鄜州以西北

赤狄居冀州內部今山西潞安府白狄別種居其北今直隸定州正定府山戎諸部又居

其東北今直隸東北境江淮之地未脫蠻夷之俗自楚武王崛起於荆蠻文

王滅息姬姓侯爵之國今河南光州息縣滅鄧曼姓侯爵之國今河南南陽府鄧州滅申見四節豫州南境今湖北北境及河南南境

屬楚成王受之令尹鬬穀於菟為政有賢聲國益强大寢逼中國

周惠王時山戎攻燕燕人苦之狄屢攻邢侯爵周公之胤今直隸順德府又伐衛滅之

衛人出廬于曹衛邑今河南衛輝府滑縣邢人亦潰桓公北伐山戎破之命燕伯納

貢于周又遣師逐狄遷邢于威儀故城有二一在順德府城西一在山東東昌府城西不知孰是具其器用

而還之城楚丘衛地在滑縣東即隋衛南廢縣而封衛焉史稱邢遷如歸衛國忘亡美

其善恤亡國也遂帥宋公魯侯陳侯衛侯鄭伯許男曹伯伐楚許姜

楚使屈完如師與諸侯盟于召陵楚邑今許州鄆城縣節桓公雖威制諸侯

不敢失尊王之義周惠后寵王子帶將廢太子鄭而立之桓公帥

諸侯會王太子于首止宋地在河南歸德府睢州東南以寧周室惠王崩太子立是為

襄王襄王元年即我紀元十年宰周公及諸侯會齊侯于葵丘宋地在歸德府考城縣東王使周公賜齊侯胙胙祭肉也王祭祖宗賜其肉優禮也

且以齊侯老命無下拜齊侯辭不敢當下拜登受遂盟諸侯令皆

歸于好王子帶召伊洛之戎西戎入居伊洛二水之間者伐周齊侯使管夷吾平戎

于王王以上卿之禮饗夷吾夷吾辭之受下卿之禮而還徵諸侯

戍周以備戎難五節五霸桓公為盛九合諸侯一匡中國管仲之

力也仲死桓公親近小人寺人貂易牙開方專權公又好內內嬖

如夫人者六人皆有公子公囑公子昭於宋襄公以為太子五公

子皆求立公卒亂作易牙與寺人貂殺羣吏而立公子無虧太子

奔宋桓公尸在床六十七日尸蟲出於戶宋襄公以曹伯衛人邾

初襄公為太子請立庶兄目夷父桓公命之目夷辭而退襄公以

為仁授之政於是宋治襄王十三年襄公合諸侯于孟宋地在歸德府楚

成王會之執襄公以伐宋已而釋之明年宋楚戰于泓水名在歸德府自

夷請及楚人未盡濟擊之公不可濟而未成列又以告公曰未可

遂為楚所敗國人咎公公曰君子不困人於阨世笑以為宋襄之

仁

第二章 晉文秦穆之霸

六宋襄公霸業不成而死晉文公踵興文公之父曰獻公獻公以

屈產之乘與垂棘之璧假道於虞以伐虢虞公爵王季弟虞仲之後今山虞

公許之宮之奇諫不聽百里奚不諫去之秦晉滅虢虢公醜奔周

遂襲虞滅之晉始大六節獻公嘗克驪戎姬姓之戎居驪山獲驪姬嬖之卒

殺太子申生公子重耳奔白狄公子夷吾奔梁嬴姓伯爵之國今陝西同州府韓城縣獻公

卒晉亂二君殺死夷吾求入立以重賂許秦穆公及晉大夫齊桓

公使顯朋會秦師納之是為惠公惠公入而背外內之賂晉饑秦

輸之粟秦饑晉閉之糴故秦伯伐晉戰于韓原在韓城縣西南虜晉侯既而

歸之其歲晉又饑秦伯復餽粟重耳在外十九年從狐偃趙衰賈

佗魏犢等周遊諸侯秦伯召之於楚及惠公卒其子懷公立秦伯

納重耳于晉晉人殺懷公而奉之是為文公節三王子帶以赤狄

攻襄王王出居于鄭地告難于諸侯狐偃曰求諸侯莫如勤王文

公從之帥師納王殺子帶王厚饗之賜南陽今河南懷慶府之田文公請隧

隧者王之葬禮也王不許曰未有代德而有二王亦叔父之所惡

也節六楚成王使令尹成得臣與陳侯蔡侯鄭伯許男圍宋宋告

急于晉襄王二十年我紀元二十九年晉侯以齊宋秦之師與楚人戰于城

濮衛地在山東曹州府濮州南敗之王自至踐土鄭地在河南開封府滎澤縣西北策命晉侯為侯伯諸

侯盟于王庭要言曰皆獎王室無相害也魯衛陳蔡鄭許曹邾皆

從晉是後百有餘年晉世霸中國節四秦穆公使孟明視襲鄭蹇

叔諫不聽孟明聞鄭有備滅滑姬姓伯爵之國在河南南河府偃師縣東而還時晉文公卒未

葬其子襄公墨衰與姜戎姜姓之戎居晉南境敗秦師于峭山名在河南府永寧縣北虜孟明

既而逸之自是秦晉構兵七十年矣穆公能用賢嘗舉百里奚於

市以為相秦由是而興又信任蹇叔公孫支得由余于戎而問計

孟明百里奚之子也穆公以峭之敗深自罪猶用孟明增脩國政

并國二十遂霸西戎穆公卒以子車氏之三子為殉皆秦之良也

國人哀之節五晉有三軍其將佐皆卿也中軍帥常執國政謂之

元帥襄公以趙盾趙衰之子為元帥公卒盾立太子夷皋而相之是為

靈公周頃王匡王之際晉政在趙氏靈公不君趙盾驟諫公患之

將殺盾不克却遭弒盾逆襄公弟黑臀于周而立之是為成公

第三章 楚莊之霸附吳始興

楚莊王成王之孫也即位初國大饑庸今湖北鄖陽府竹山縣麋今鄖陽府治叛之

莊王帥秦人巴姬姓國今四川重慶府人伐庸滅之羣蠻白濮皆服濮蠻夷種名又伐

陸渾之戎西戎一種入居河南府嵩縣遂至于洛觀兵于周疆周定王使王孫滿勞

之莊王問鼎之輕重似有圖周之意者滿對曰輕重在德不在鼎
周德雖衰天命未改鼎之輕重未可問也節七莊王舉薦艾獵為

令尹施教安民平衆舒舒偃姓諸夷故地在安徽廬州府盟吳越楚國治強陳夏徵舒弑

靈公莊王伐之謂陳人無動將討夏氏遂入陳殺徵舒因縣陳諸

侯縣公皆慶申叔時獨不慶王讓之對曰人有言牽牛蹊田田主

奪牛蹊者信有罪矣奪之牛罰不已重乎王曰善乃復封陳節六

鄭已服楚又微事晉周定王十年我紀元六十四年莊王圍鄭十旬克之鄭

襄公肉袒牽羊以降莊王以鄭伯能下人退師數里而許之平晉

景公使荀林父帥師救鄭不及與莊王戰于邲鄭地在開封府鄭州東敗績莊

王使申舟聘于齊過宋而不假道宋人殺之王聞之投袂而起馳

圍宋宋告急于晉晉不救宋與楚平節六九莊王卒子共王立齊頃

公伐魯又敗衛師魯衛乞師于晉景公使卻克救之敗齊侯于鞌

齊地在山東濟南府界內共王使叔父令尹嬰齊帥蔡侯許男侵衛侵魯以救齊遂

與魯成公及齊秦等十國之大夫盟于蜀魯地在山東泰安府城西晉畏楚衆而

避之節七楚申公巫臣奔晉令尹嬰齊等有怨於巫臣殺其族人

巫臣怨之請晉侯使於吳吳子壽夢悅之乃通吳于晉教之車戰

使之叛楚自是吳屢伐楚取蠻夷屬楚者吳始大

第四章 晉業復盛附子產相鄭

節七周簡王時晉厲公與秦楚為成秦楚皆叛盟厲公帥諸侯伐秦

敗之楚共王侵鄭鄭叛于晉簡王十一年我紀元八十六年厲公伐鄭共王

帥東夷救之戰于鄆陵鄭地今河南開封府鄆陵縣敗績王傷其目節七厲公侈多

外嬖反自鄆陵欲盡去羣大夫而立其左右使胥童殺三卻卻錡卻至

三欒書荀偃殺胥童遂弑厲公逆襄公曾孫周于周而立之是為

悼公悼公少而賢使韓厥荀偃荀林父孫為政以士鮑趙武趙盾孫魏絳魏犢

為卿舉不失職爵不踰德民無謗言霸業復盛節七周靈王時

無終山戎國今直隸順天府薊州子嘉父納虎豹之皮于晉以請和山戎諸部悼公

春秋左傳卷之二十一 襄公

欲伐之魏絳曰勞師於戎諸華必叛獲我失華無乃不可乎因陳和戎之三利公悅使絳撫諸戎節四鄭間於晉楚連年被兵或事晉或事楚鄭人侵蔡楚人討之鄭人欲從楚或欲待晉救終與楚平悼公帥諸侯伐鄭鄭恐行成諸侯皆不欲與楚戰乃許鄭成師還楚又伐鄭乃從楚悼公歸謀所以息民魏絳請盡積聚以貸自公以下苟有積者盡出之國無滯積亦無困人行儉省用車服從給行之期年國乃有節三駕而楚不能與爭盟十二諸侯于鄭地赦鄭囚禮而歸之晉民大和諸侯遂睦節五悼公卒子平公立士匄逐欒盈欒書殺其黨後盈入曲沃欒氏邑今山西絳州聞喜縣畫襲絳不克奔曲沃晉人圍之滅欒氏士匄為政諸侯之幣重趙武代之令薄其幣而重禮之復諸侯喪邑靈王二十三年我紀元百十二年秦晉為成後三年晉楚為成趙武與令尹屈建盟于宋宋平公及齊魯等十國之大夫會焉約曰晉楚之從交相見也晉楚爭霸八十餘年至是始平

節六周景王時鄭罕虎授公孫僑政僑使都鄙有章上下有服田有封洫廬井有伍從政三年輿人誦之僑為人恭敬養民以惠擇能而使之為辭命裨謀草創之遊吉討論之公孫揮脩飾之而僑潤色之以應諸侯鮮有敗事沒僑之世晉楚無敢加焉以鄭有禮也

第五章 春秋末諸大事

楚靈驕而敗齊晉公室微弱王室之亂吳楚構兵孔子相魯

節七楚共王卒子康王立康王時與晉和王卒子邾敖立叔父圍為令尹殺邾敖而自立是為靈王靈王使伍舉如晉求諸侯請如宋之約晉平公欲勿許女叔齊曰不可晉楚唯天所授不可與爭楚王方侈君其脩德以待其歸平公從之諸侯會靈王于申楚縣故申侯國王率以伐吳遂滅賴子爵之國在河南光州商城縣南取鄆魯邑本鄆國今山東兗州府嶧縣節八陳哀公之弟招殺太子偃師哀公縊靈王使弟棄疾奉偃師子圍陳滅之放招于越靈王又誘蔡靈侯殺之遂滅蔡殺太子有為犧牲以祭岡山城陳蔡不羹故城在河南南陽府舞陽縣西北使棄疾為蔡公又遣師圍徐以懼吳

王次于乾谿楚地在安徽潁川府太和縣東南以為之援周景王十六年我紀元百陳蔡

不羹叛王奉蔡公入郢殺太子祿王將還師途而潰王縊棄疾立

是為平王復封陳蔡七九節齊欒施高疆與陳無字鮑國鬪欒高氏

敗陳鮑分其室晏嬰謂無字必致諸公無字盡致之而老于莒故

子國見五五節景公與之高唐今山東濟南府禹城縣陳氏始大無字召諸公族嘗被逐

者而皆反其邑公族之無祿者私分之邑國之貧困者私與之粟

大其家量以貸粟於民而以公量收之齊民多歸心焉晏子恭儉

善與人交立強臣之間以禮自守人不敢犯景公重欵繁刑晏子

屢托事規諫公能納之然公室已微不能復救八節晉平公卒子

昭公立諸侯事晉者皆有貳心楚靈王死之歲昭公奉周卿士劉

千乘然是後霸業卒衰不復振矣昭公卒子頃公立八節周景王

寵王子朝欲立之王崩王子猛立王室亂卿士單穆公劉文公與

子朝之黨戰猛卒謚悼王弟敬王自立子朝入王城尹文公立之

敬王居外晉頃公令諸侯輸王粟具戍人知文子荀瑩孫趙簡子趙武子鞅

帥師納王于成周子朝奔楚頃公卒子定公立魏獻子魏絳子舒韓簡

子韓厥曾孫不信合諸侯城成周成周在洛邑東王城下都也八節楚平王

信讒欲殺太子建執其師伍奢奢有子尚及員王以免其父召之

尚謂員曰吾智不逮爾我能死矣爾能報之尚至王并殺之員將

亡謂其友申包胥曰我必覆楚包胥曰勉之我必復之員奔吳吳

王闔廬立用員之謀伐楚楚始病焉平王卒子昭王立昭王失禮

於蔡昭侯昭侯如晉請伐楚周敬王十四年我紀元百五十五年晉定公奉劉

文公合十七諸侯于召陵以侵楚無功而還晉於是乎失諸侯蔡

侯從吳伍員導吳師伐楚敗之于柘舉楚地今河南汝寧府西平縣五戰及郢昭王

奔隨姬姓侯爵楚屬國今湖北德安府隨州伍員發平王墓而鞭其尸申包胥如秦乞師秦

哀公未許包胥哭于秦庭七日夜勺飲不入口秦乃出師明年包

胥下通志卷之二 禮制

胥以秦師至大敗吳師昭王入于郢賞功臣包胥曰吾為君也君既定矣又何求遂逃賞節三敬王十九年魯定公以孔丘為中都

今山東兗州府汶上縣案一年四方則之遂為司寇相定公會齊景公于夾谷齊地

東泰安府萊蕪縣南齊人欲劫魯侯孔子以禮卻之將盟齊人加於載書曰齊師出境而不以甲車三百乘從我者有如此盟孔子使茲無還揖對

曰而不反我汶陽之田吾以共命者亦如之汶陽者齊所侵魯地也齊侯將享魯侯孔子又以禮沮之乃不果享齊人歸魯侵地

節四魯有三大大家出於桓公謂之三桓三桓專國公室卑弱季氏最驕僭孔子使門人仲由為季氏宰將墮三都三都者三家之邑也

敬王二十二年叔孫氏墮郕叔孫氏邑故城有二一在山東泰安府東平州南一在沂州府城東季氏將墮費

子命申句須樂頎伐之費人北國人敗之遂墮費孔子為政魯國大治齊人懼歸女樂以沮之季桓子受之三日不朝孔子去魯歷

聘諸侯門人多從之後十餘年季康子以幣召之於衛乃歸魯然魯終不能用孔子節五晉自昭公以來公室卑弱范知中行趙魏

韓氏皆大號為六卿范氏即士氏知中行氏皆荀氏也孔子去魯之明年范昭子士句孫中行文子荀偃伐趙簡子簡子奔晉陽趙氏邑今山西太原府知文子言於定公曰君命大臣始禍者死今三臣始禍而獨

逐鞅刑不鈞矣請皆逐之知文子與韓簡子魏襄子獻子之孫曼多奉公以伐范氏中行氏二氏敗韓魏以趙氏為請趙簡子入于絳

第六章 吳越之興亡附齊絳

節六吳伐越越王勾踐敗之于檣李越地在浙江嘉興府城西吳王闔廬傷而死子夫

差立使人立於庭苟出入必謂己曰夫差爾忘越王之殺爾父乎周敬王二十六年我紀元百六十七年敗越于夫椒山名在江蘇常州府無錫縣太湖濱勾踐以餘兵

保于會稽山名在浙江紹興府城東南使大夫種行成請為臣妾吳王將許之伍員曰不可樹德莫如滋去疾莫如盡勾踐能親而好施與我同壤而

世為仇讎今不取後雖悔之不可及已太宰嚭受越賂勸夫差許越成員退告人曰越十年生聚十年教訓二十年之外吳其為沼乎勾踐既免使大夫種守國入宦於吳三年而釋歸日與范蠡治兵事圖吳八十七節齊景公卒國夏高張立少子荼陳僖子無字之逐國

高廢荼而立其兄悼公悼公失歡于吳敬王三十五年吳王帥魯哀公邾子邾嬴姓國今山東沂州府郯城縣子伐齊齊人弑悼公赴于師吳王乃還齊

人立悼公子簡公明年簡公伐魯不利吳王又伐齊敗之于艾陵齊地簡公寵闞止欲除陳氏陳成子僖子之子桓殺闞止遂弑簡公而立其弟平公成子專齊封邑大於公所食是後陳氏改稱田氏八十八節吳

之將伐齊也勾踐率其眾以朝焉王及列士皆有饋賂吳人皆喜唯吳員懼曰是豢吳也入諫王不聽員使於齊屬其子於鮑氏夫

差反自艾陵聞之怒使賜之屬鏹之劍以死夫差欲霸中國敬王三十八年與單平公晉定公魯哀公會于黃池在河南衛輝府封邱縣南勾踐乘虛

興師伐吳獲太子友遂入吳都夫差急盟而歸與越平周元王元

年我紀元百八十六年越圍吳居二年吳師潰夫差上姑蘇山名在江蘇蘇州府城西使行成越

王曰昔天以越予吳而吳不受今天以吳予越吾敢逆天而聽君乎夫差自殺越已平吳北征上國宋鄭魯衛皆入朝范蠡功成辭

位而去乘輕舟浮于太湖莫知其所終大夫種後以讒死八十九節周自東遷至元王崩凡十五世三百有二年而王室愈微諸侯亡滅

者百五十國是後韓魏趙氏分晉齊田氏代姜氏越衰於南而燕興於北與秦楚俱為七雄號稱戰國

第五篇 戰國上

第一章 三晉田齊興

九。周貞王十一年我紀元二百三十二年晉知襄子文子之孫瑤與趙韓魏共分范中行

氏地以為邑出公怒告齊魯欲以伐四卿四卿反攻公公奔齊道

死知伯立懿公而專晉政九知伯貪而復求地於魏桓子襄子之孫駒

韓康子簡子之孫虎皆與之又求於趙趙襄子簡子之子無恤不與知伯怒帥韓魏

之甲以攻之初襄子父簡子使尹鐸為晉陽請曰以為繭絲乎抑

為保障乎簡子曰保障哉尹鐸損其戶數以輕賦稅簡子謂襄子

曰晉國有難必以晉陽為歸至是襄子出奔晉陽三家圍而灌之

城不浸者三版沈竈產蛙民無畔意貞王十六年趙孟使人潛出

說韓魏韓魏與之約共敗知伯軍滅知氏而分其地是時田襄子

陳成子之子盤相齊使其兄弟宗人盡為都邑大夫與趙韓魏通使蓋三家

且有晉而田氏且有齊也九周貞王崩長子哀王去疾立弟思

王叔襲殺哀王而自立少弟考王鬼又攻殺思王而自立考王崩

子威烈王午立威烈王二十三年我紀元二百五十八年晉三卿魏斯趙籍韓虔

以周命列為諸侯號曰三晉斯桓子之孫是為魏文侯籍襄子兄

伯魯之曾孫是為趙烈侯虔康子之孫是為韓景侯九魏文侯

以卜子夏田子方為師每過段干木之間必軾四方賢士多歸之

嘗使樂羊伐中山白狄別種國在直隸正定府三年克之使西門豹守鄴邑名今河南彰德府臨漳縣

河內稱治李悝教民盡地力作平糶法衛人吳起善用兵文侯以

為將拔秦五城起與士卒同衣食分勞苦卒有病疽者起為吮之

士卒樂為之死守西河而秦兵不敢東嚮九趙烈侯好音命相

國公仲連賜鄭歌者二人田人萬畝公仲諾而不與或教公仲進

牛畜荀欣徐越三士畜侍以仁義明日欣侍以舉賢使能明日越

侍以節財儉用度功德而賜與烈侯悅止歌者之田九周安王

十一年我紀元二百七十年田襄子之孫和遷齊康公于海上使食一城其後

會魏文侯求為諸侯文侯為之請於周周許之和為齊侯號太公及康公卒無子田氏遂并其邑九六節魏文侯卒子武侯立吳起與

魏相不合去之楚楚悼王以為相起明法審令捐不急之官以養戰士要在強兵而貴戚大臣多怨起者及悼王卒攻殺之安王二

十六年魏武侯趙敬侯韓哀侯共廢晉靖公而分其地明年韓滅鄭因自陽翟今開封府禹州徙都焉九七節齊侯因齊太公之孫也後稱王是

為威王初立時國不治諸侯來伐周烈王六年我紀元二百九十九年威王召即墨邑名故城在山東萊州府平度州東南大夫語之曰自子之居即墨也毀言日至然吾使

人視即墨田野闢人民給官無留事東方以寧是子不事吾左右以求譽也封之萬家召阿今山東兗州府陽穀縣大夫語之曰自子之守阿譽言

日至然吾使人視阿田野不闢人民貧餒趙攻甄今山東曹州府濮州子不救衛取薛陵故城在陽穀縣東北子不知是子厚幣事吾左右以求譽也是日烹阿大夫及左右嘗譽者羣臣悚懼莫敢飾非齊國大治諸侯不敢

致兵者二十餘年

第二章 秦孝公興附申子相韓孟軻出仕楚并越

九八節當周顯王時河山以東強國六河謂西河山謂終南大華之屬淮泗之間小國十餘

秦僻在西陲與楚魏接界諸侯皆擯秦以夷狄遇之不得與中國之會盟秦孝公發憤脩政欲以強秦顯王八年我紀元三百二年孝公令國中

曰賓客羣臣有能出奇計強秦者吾且尊官與之分土衛公孫鞅好刑名之學西入秦見孝公說帝道說王道次說霸道而後及強

國之術孝公大悅與議國事定變法之令使民為什伍而相糾察若不糾舉則相連坐告姦者與斬敵首同賞匿姦者與降敵同罰

有軍功者各以率受爵私鬪者各以輕重被刑大小戮力本業耕織致粟帛多者復其身事末利及怠而貧者舉以為收孥民有二

男以上不分家者倍其賦宗室非有軍功不得為屬籍令既具未布恐民之不信立一木於國都南門募民能徙置北門者予十金

民怪之莫敢徙復曰能徙者予五十金有一人徙之輒予五十金
乃發令太子犯法衛鞅曰法之不行自上犯之然君嗣不可施刑
刑其傅公子虔黥其師公孫賈秦人皆趨令行之十年道不拾遺
山無盜賊民勇於公戰怯於私鬪家給人足鄉邑大治秦民初言
令不便者有來言令便鞅曰此亂法之民也盡遷之於邊民莫敢
議令築冀闕宮庭於咸陽徙都之并諸鄉聚為縣縣置令丞凡三
十一縣廢井田開阡陌更為賦稅法平度量衡秦國富強九節申
不害者故鄭之賤臣也與衛鞅同時其學本於黃老而主刑名以
干韓昭侯昭侯以為相內脩政教外應諸侯十五年終申子之身
國治兵強一節顯王二十八年魏惠王伐韓韓昭侯請救於齊齊
宣王使田忌孫臏伐魏大破之馬陵魏地在直隸大名府城東南殺其將龐涓虜太
子申覆軍十萬明年衛鞅言於孝公曰魏破於齊諸侯畔之因此
時伐魏魏必東徙然後秦據河山之固東嚮以制諸侯此帝王之

業也公從之使鞅伐魏魏使公子卬禦之鞅遺卬書佯和與會飲

伏甲虜之因破魏師惠王恐獻河西之地以和去安邑徙都大梁

秦封鞅商今陝西商州於在河南南陽府浙川縣西十五邑號曰商君一節商君用法嚴

酷嘗臨渭論囚渭水盡赤為相十年人多怨之孝公卒太子立是

為惠文王公子虔之徒告商君欲反發吏捕之商鞅之魏魏不受

納諸秦秦人攻殺之車裂以徇二節魏惠王軍屢敗卑禮厚幣以

招賢者顯王三十三年孟軻至梁說以仁義惠王不能用明年惠

王卒子襄王立孟子去梁適齊齊宣王以為卿一節自越王勾踐

沒越久不聞至王無疆伐齊又伐楚楚威王大敗之盡取故吳地

越以此散諸公族或為王或為君居閩浙之地服屬於楚

第三章 蘇張從橫之謀

一節秦國已強宣力東方諸侯非戮其力殆不能制秦而秦之利又
四節在諸侯相離於是合從連衡之說作從縱也南北為縱衡橫也東

西為橫故六國相合謂之從六國不合各連和於秦謂之橫或衡

五節周人蘇秦與魏人張儀俱事鬼谷先生學從橫之術蘇秦見

秦惠文王陳并諸侯之策不用秦乃去顯王三十六年我紀元三百二十八年北

說燕文公曰燕之不被秦兵以趙蔽其南也與趙從親六國為一

則燕必無患矣文公從之資秦車馬以至趙說肅侯曰秦不敢舉

兵伐趙者畏韓魏議其後也韓魏入秦則趙危矣臣竊為君計莫

如六國合從以擯秦肅侯悅厚賜賚之以約於諸侯秦乃見韓宣

惠王魏襄王齊宣王楚威王所至逞雄辯以說從之利諸侯皆聽

之約曰秦攻一國則五國救之有不如約者五國共伐之於是蘇

秦為從約長并相六國北報趙車騎輜重擬於王者既而秦使公

孫衍欺齊魏以伐趙趙侯讓蘇秦秦恐請使於燕必報齊秦去趙

而從約皆解六節張儀入秦惠文王悅之以為客卿儀伐魏取蒲

陽今山西蒲州府復以與魏因說魏襄王曰秦之遇魏甚厚魏不可以無禮

魏盡入上郡十五縣春秋白狄地今陝西延安府及鄜州綏德州以謝焉儀歸為秦相復伐魏

取陝今河南陝州既而免相出相魏以為秦七節燕文公卒子易王立蘇

秦說易王曰臣居燕不能使燕重在齊則燕重乃偽得罪奔齊為

客卿勸宣王侈欲以弊齊後為齊人所殺八節周慎靚王三年我紀元三

百四十年楚趙魏韓燕同伐秦攻函谷關秦之東關在河南陝州靈寶縣秦出兵逆之五國

皆敗走明年秦破韓趙斬首八萬諸侯振恐張儀說魏哀王曰諸

侯約從結為兄弟也今親兄弟尚有爭財相殺傷而欲恃反覆蘇

秦之餘謀其不可成亦明矣哀王乃背從約請成於秦儀歸復相

秦巴蜀見六節蜀今四川成都府相攻俱告急於秦時有韓寇儀欲伐韓惠文王

用司馬錯之說伐蜀取之因遂取巴秦益富強九節惠文惠齊楚

從親使張儀說楚懷王絕齊請獻商於之地懷王信之陳軫曰秦

之所以重楚者以其有齊也今絕齊則楚孤秦奚與之地哉王不

聽閉關絕約於齊齊湣王怒與秦合楚遣使受地於秦其地東西

數十里以當時里法稱之曰六百里儀見使者曰地從某至某廣
袤六里懷王間之大怒欲攻秦陳軫復諫王又不聽伐秦大敗失

漢中地今陝西漢中周赧王四年我紀元三百五十年秦欲得楚黔中地今四川

湖北施南府等請以武關秦之南關在陝西商州東之外即商於易之懷王曰不願願得張儀而

獻黔中儀請行因楚壁臣幸姬以得免死因說懷王曰為從者無

異於驅羣羊而攻猛虎不格明矣今王不事秦秦劫韓驅梁而攻

楚則楚危矣王誠聽臣請使秦楚長為兄弟之國懷王已得儀

而重出地乃從之儀遂之韓說襄王以事秦而攻楚襄王許之儀

歸報惠文封以六邑號武信君復使往說齊湣王趙武靈王燕昭

王連衡以事秦皆許之儀歸未至而惠文王卒子悼武王蕩立悼

武不說儀諸侯聞之皆畔衡復合從儀出相魏尋死蘇張皆以遊

說致身富貴遊士爭慕倣之又有公孫衍蘇厲周最樓緩之

徒皆以辯詐相高紛紛徧於四方一節秦悼武王卒弟稷立是為

昭襄王或畧言昭王昭王少母宣太后芈氏治國事任異父弟魏

冉為政赧王十六年昭王遺楚懷王書願與會武關面相約結昭

睢曰秦虎狼也不可信王子蘭勸王行秦人執之以歸楚人立太

子橫是為頃襄王懷王卒於秦楚人憐之如悲親戚

第四章 燕齊之勝敗附孟嘗君事

一節燕易王卒子噲立噲專任其相子之終以國讓之子之南面行

王事而噲反為臣國大亂齊宣王伐之五旬而舉之噲死子之亡

齊因取燕時孟子在齊教宣王謀於燕眾而置君王不聽燕人畔

齊立太子平是為昭王孟子不遇於齊致為臣而去昭王弔死問

孤與民同甘苦厚禮以招賢者為郭隗築宮而師事之士爭趨燕

樂毅自魏往王以為亞卿任以國政一節齊王族田嬰事威王宣

王任職用事宣王卒子湣王立封嬰于薛在山東兗州府滕縣號靖郭君嬰有

賤妾之子曰文通儻饒智畧勸嬰散財養士賓客爭譽其美嬰卒

文嗣為薛公號孟嘗君招致諸侯遊士及有罪亡人食客常數千人秦昭王聞其賢使請於齊以為丞相丞相秦官猶周太宰也或謂昭王孟嘗君相秦必先齊而後秦王囚文欲殺之文逃歸而相齊文怨秦與韓魏共伐之入函谷關秦割河東三城以和一節潛王負強南敗楚西摧三晉時宋王偃淫虐世呼曰桀宋湣王滅之廣地數十里王益驕諸侯皆害之孟嘗君以薛附魏周赧王三十年我紀元三百七十七年燕昭王使樂毅為上將軍與秦楚三晉合謀以伐齊敗之濟西燕師長驅入臨淄湣王奔莒燕封毅為昌國君留徇齊城未下者楚將淖齒率兵救齊因為齊相齒欲與燕分齊地執湣王殺之樂毅整軍禁侵掠禮逸民寬賦斂除暴令祀桓公管仲於郊齊民喜悅六月之間下齊七十餘城獨莒即墨不下淖齒為莒人所殺齊亡臣求湣王子法章而立之是為襄王保莒城在江蘇海州贛榆縣西即墨人推田單為將以拒燕一節樂毅留于齊五歲二邑未服

赧王三十六年昭王卒子惠王立惠王自為太子時不快於毅田單乃縱反間曰樂毅欲王齊齊人未附故且緩攻以待其事齊唯懼他將之來即墨殘矣惠王聞之使騎劫代將毅奔趙將士憤惋田單用火牛之計大敗燕師殺騎劫逐北至河上七十餘城皆復為齊乃迎襄王入臨淄王以單為相封安平君孟嘗君中立為諸侯無所屬襄王畏之與連和及卒諸子爭立齊魏共滅之趙惠文王欲與樂毅謀伐燕毅泣辭之王乃止封毅于觀津在直隸冀州武邑縣東南竟死於趙號望諸君

第五章 趙武靈王及藺相如

一節趙武靈王欲拓地於北疆與肥義謀胡服騎射以教國民畧狄地今直隸宣化府蔚州雲中今內蒙古歸化城土默特地西及九原今內蒙古毛明安及烏喇忒地傳國少子何是為惠文王使肥義相之自號主父北破林胡樓煩北狄二國山西保德州寧武府及太原府蔚州等樓煩故地也林胡又居其北欲自雲中九原直南襲秦不果攻中山見九節滅之嘗

詐為使者入秦秦昭王怪之使人逐之則已脫關矣初武靈廢太子章而立惠文既而憐章欲王之於代未決章作亂殺肥義公子成李兌討滅之遂圍主父使餓而死七節惠文得楚和氏璧秦昭王請以十五城易之惠文欲不與畏秦強欲與之恐見欺藺相如願奉璧而往城不入則完璧而歸王遣之獻璧秦王無意償城相如乃給取璧使從者懷之間行歸趙身待命於秦秦王賢而歸之八節田單復齊之歲秦王與趙王會于澠池今河南府澠池縣藺相如從及飲酒秦王請趙王鼓瑟趙王鼓之相如請秦王擊缶秦王不肯相如曰臣請得以頸血濺大王左右欲刃之相如叱之皆靡秦王為一擊缶秦終不能有加於趙趙亦盛為之備秦不敢動趙王歸以相如為上卿位在將軍廉頗右九節廉頗者趙之良將也多軍功以相如素賤人徒以口舌居己上羞為之下欲見相如辱之相如聞之不肯與會每朝常稱病出而望見輒引車避匿其舍人皆以為恥相如曰夫以秦王之威而相如廷叱之相如雖駑獨畏廉將軍哉顧強秦所以不敢加兵於趙者徒以吾兩人在也今兩虎共鬪其勢不俱生吾所以為此者先國家之急而後私讐也頗聞之肉袒負荊至門謝罪遂為刎頸之交

第六篇 戰國下

第一章 秦連攻三晉附秦滅周平原 信陵春申好客

秦丞相魏冉舉白起為將白起善用兵嘗敗韓魏于伊闕山名在河南府

南斬首二十四萬又伐魏至軹今河南懷慶府濟源縣取六十一城田單復齊之

歲起伐楚取鄢今湖北襄陽府宜城縣登故鄧侯國今河南南陽府鄧州明年拔郢燒夷陵楚陵墓之地今湖北

府宜昌楚頃襄王徙都陳故陳侯國今河南陳州府秦封起為武安君明年定巫今四川夔州府

黔中今四川酉陽州湖北施南府及湖南西北境一節 赧王四十五年我紀元三百九十九年秦人伐趙圍閼

與故城在山西遼州和順縣西北廉頗樂乘皆曰道遠險狹難救趙奢曰道遠險狹猶

兩鼠鬪於穴中將勇者勝惠文王使奢救之秦師敗還王賜奢號

馬服君與廉藺同位一節 魏人范雎嘗從中大夫須賀使於齊齊襄王聞其辯口私賜之金賈疑雎以國陰事告齊歸告魏相魏齊

齊怒笞擊之折脇拉齒置廁中雎佯死得逃出魏人鄭安平匿之

變姓名曰張祿秦謁者王稽至魏潛載與歸薦於昭王雎教以遠

交近攻之策王悅以為客卿時宣太后及穰邑名即楚鄧邑侯魏冉擅國雎

說王廢太后逐穰侯而代為丞相封應邑名在河南汝州寶豐縣西南侯一節 范雎既

得志一飯之德必償睚眦之怨必報魏使須賈聘於秦雎弊衣間

步往見之賈驚曰范叔無恙乎取一綈袍贈之雎為賈御至相府

曰我為君先入通於相君賈見其久不出問於門下范叔不出何

也門下曰無范叔嚮者吾相張君也賈知見欺膝行入謝罪雎曰

爾所以不死者以綈袍戀戀尚有故人之意耳乃使歸告魏王曰

速斬魏齊頭來不然且屠大梁賈還以告魏齊齊出走而死雎薦

王稽為河東今山西平陽府守召鄭安平為將軍一節 楚黃歇侍太子完為

質於秦及頃襄王疾病歇使太子亡歸而自請賜死秦昭王怒欲

聽之應侯曰不如無罪而歸之以親楚王從之楚王卒太子立是

為考烈王以黃歇為相號春申君一節 秦武安君伐韓拔野王今河南

治慶府上黨赤狄故地今山西潞安府路絕請降于趙趙孝成王受之赧王五十五年秦

王齮攻上黨拔之遂伐趙廉頗軍長平今山西澤州府高平縣堅壁不進應侯使

人為反間曰秦獨畏馬服君之子趙括為將耳趙王使括代頗藺

相如曰括徒能讀父書不知合變也王不聽括少學兵法自思天

下莫敢當嘗與父奢言兵事奢不能難然不謂善也括母問其故

奢曰兵死地也而括易言之趙若將括必破趙軍及括將行母上

書言括不可使括至軍果為白起所敗中矢死卒四十萬人皆降

白起盡坑殺之後二年秦王陵攻邯鄲少利昭王欲使白起代陵

起曰秦雖勝於長平士卒死者過半國內空遠絕河山而爭人國

都取敗必矣辭疾不肯行乃遣王齮二節趙孝成王使弟平原君

勝求救于楚平原君好士食客數千人欲擇門下文武備具者二

十人與俱得十九人餘無可取者毛遂自薦平原曰士之處世若

錐處囊中耳其末立見今先生處門下三年勝未有所聞遂曰臣

乃今日請處囊中耳使遂蚤得處囊中乃穎脫而出非特末見而

已平原乃與之俱至楚與考烈王言合從之利半日不決毛遂按

劍歷階而上曰從之利害兩言而決耳今日出而言日中不決何

也王怒叱之毛遂按劍而前曰王之所以叱遂者以楚國之衆也

今十步之內不得恃楚國之衆也王之命懸於遂手且以楚之強

天下不能當白起小豎子耳一戰而舉鄢郢再戰而燒夷陵三戰

而辱王之先人此百世之怨趙之所羞合從為楚非為趙也王曰

唯唯乃與楚王歃血定從而歸平原君曰勝不敢復相士以遂為

上客楚使春申君將兵救趙一二節魏安釐王亦使晉鄙救趙秦王

使謂魏曰趙旦暮且下諸侯敢救者必移兵擊之魏王恐止晉鄙

留兵壁鄴使新垣衍說趙欲共尊秦為帝齊人魯仲連在邯鄲見

衍曰彼秦者棄禮義而上首功之國也彼即肆然帝天下則連有

蹈東海而死耳因痛論帝秦之害衍再拜曰先生天下之士也吾

不敢復言帝秦矣一二節魏王弟無忌愛人下士食客三千人號信

陵君其姊為平原君夫人趙急使者冠蓋相屬責救於信陵君信陵屢請於王且使賓客遊說萬端王終不聽信陵素厚遇隱士侯嬴嬴教信陵禱王幸姬竊得晉鄙兵符且薦力士朱亥與俱謂晉鄙合符而疑則擊殺而奪其軍信陵一如嬴言得兵以進一二節楚魏救至秦軍屢却白起曰不聽吾言今何如秦王聞之怒廢起為士伍起與應侯有隙竟賜劍而死明年信陵君大敗秦師王齧解圍走鄭安平以二萬人降趙信陵君不敢歸魏使將將其軍以還平原君欲封魯連連笑曰所貴於士者為人排難解紛而無取也即有取是商賈之事也辭去終身不復見一三節秦王既用應侯之策連攻三晉周人恐赧王五十九年與諸侯約從以伐秦為秦所攻盡獻其邑三十六口三萬是歲赧王卒周亡此當我紀元四百年也貞王以後周擁空號存於強國之間者凡九世二百十三年自武王克商至于此合八百六十七年傳世三十有七一三節明

年秦昭襄王五十二年楚考烈王八年齊王建十年燕孝王三年趙孝成王十一年魏安釐王二十二年韓桓惠王十八年秦王替坐與諸侯通

棄市昭王臨朝而歎曰武安君死而鄭安平王替皆畔內無良將外多敵國范雎懼燕辨士蔡澤聞之西入秦見雎曰四時之序成功者去商君吳起大夫種何足願與說雎以全身名之道雎薦澤於王謝病免相王以澤為相數月而辭之號綱成君一三節楚使春申君取魯魯頃公遷于莒尋為楚所滅春申君好士與孟嘗平原信陵齊名皆爭招致賓客以相傾奪平原使人於春申使者為玳瑁簪刀劍室飾以珠玉欲以誇楚春申客三千餘人其上客皆躡珠履見之趙使大慙一三節秦昭襄王卒太子柱立是為孝文王孝文即位三日而卒子莊襄王楚立莊襄王元年楚十四年齊十六年燕王喜六年趙十七年魏二十八年韓二十四年我紀元四百十二年以呂不韋為相國不韋陽翟大賈也莊襄以昭王庶孫為質于趙因不韋之助得入立是以尊寵無比封以河南今河南南府十萬戶號文信侯一三節秦蒙驁破魏魏王患之使人請信陵君於趙

信陵畏得罪不肯還客毛公薛公見曰魏急而公子不恤一日秦克大梁夷先王宗廟公子何面目立於天下乎信陵趣駕還復為魏將諸侯聞之皆遣救信陵帥三晉楚燕之師敗蒙驁于河外謂南河之南追至函谷關而還

第二章 秦并六國

一三節秦莊襄王卒太子政立後號為始皇帝政生十三年矣國事皆決於文信侯號稱仲父秦攻伐無已時三晉地益削諸侯患之秦王政六年楚二十二年齊二十四年燕十四年趙悼襄王四年魏景閔王二年韓三十二年我紀元四百二十年楚趙魏韓衛合從伐秦楚考烈王為從長春申君用事至函谷秦師出五國皆敗走楚去陳遷于壽春今安徽鳳陽府壽州春申幸李園妹有娠納之考烈王生幽王悍李園使盜殺春申而專楚政秦王政母本邯鄲舞姬呂不韋初娶之既而獻諸莊襄王生政及為太后時時與不韋私通政既長太后嬖人嫪毐作亂而誅不韋坐免相王遷太后于雍齊客茅焦

諫王乃迎歸咸陽不韋後恐誅飲酖死一三節秦宗室大臣議曰諸侯人來仕者皆為其主遊間耳請一切逐之於是大索逐客客卿李斯亦在逐中行且上書論其非計王乃召李斯復其官除逐客令李斯勸王陰遣謀士遊說諸侯離間其君臣然後使良將隨其後竟以并六國一三節初趙李牧事孝成王守北邊時匈奴始強屢為邊患牧養士習騎射設奇陳大破之匈奴奔走不敢近趙及孝成王卒子悼襄王立廉頗亡去王召牧為將王卒子幽繆王立秦之十三年楚幽王四年齊三十一年燕二十一年趙幽繆王二年魏九年韓王安五年桓齮破趙斬首十萬幽繆王以牧為大將戰于宜安邑名在直隸正定府藁城縣西南秦師敗還王封牧為武安君明年韓王安使韓非聘于秦請為藩臣非者韓之諸公子也善法術之學秦王悅之李斯嫉而間之下吏治斯遺非藥使自殺十七年內史騰滅韓虜王安明年王翦伐趙李牧禦之秦人與趙嬖臣金使言牧欲反趙人殺牧明年遂滅趙虜幽繆王王兄嘉自立為

代王一三節初燕太子丹質于秦秦王政不禮焉怒而亡歸聞衛人

荆軻勇厚禮之奉養無不至欲遣軻劫秦王時秦將樊於期得罪

亡在燕軻請得樊將軍首及燕督亢燕膏腴地在直隸順天府涿州東南地圖以獻秦丹

不忍殺之軻私見於期以意諷之於期慨然自刎丹奔往伏哭遂

函其首置利匕首於圖中裝遣軻至咸陽秦王喜見之軻奉圖進

圖窮而匕首見把王袖搃之未至身王驚起軻逐之王拔劍斬軻

遂體解以徇王大怒益發兵伐燕二十一年楚王負芻二年齊三十九年燕二十九年魏王假二年代王嘉

王翦拔薊燕王喜奔遼東今盛京省東境斬丹以獻一三節明年王賁子翦滅

魏殺王假又明年王翦大破楚殺其將項燕又明年虜楚王負芻

楚自武王以來王南疆二十五世凡五百餘年而亡又明年王賁

滅燕虜王喜還滅代虜王嘉初齊王建母君王后賢事秦謹與諸

侯信且秦連歲攻五國五國各自救以故建立四十餘歲不受兵

君王后卒齊客多受秦金為反間不修戰備不助五國攻秦二十

六年王賁入臨淄王建降遷之于共今河南衛輝府輝縣餓而死於是諸侯皆

亡唯衛猶存至秦二世皇帝元年廢衛君角為庶人

第二章 四夷遠斥

一四節唐虞之世中國廣袤不滿三百里九州域內夷狄居其大半雖

曰聲教所及莫不來王其俗陋而性獷者未化也周建兩都王畿

跨三州河濟淮漢之濱皆列置侯國通道於九夷百蠻使各以其

方賄來貢諸夏之盛軼於前代矣然而戎狄之雜居冀雍蠻夷之

蟠據江淮者猶未變於華華夷之疆界與虞夏無大異也一四節周

已衰平王避戎東遷而雜戎往往入居畿甸春秋初戎狄強盛齊

桓公攘之僅得以綏諸夏是時冀州有山戎赤狄共見五節及衆狄居直隸西

北境山戎雖名戎亦狄種也雍州有白狄見五節及大荔今陝西同州府朝邑縣義

渠今甘肅慶陽府諸戎豫州有伊洛之戎晉惠公歸自秦誘瓜州今甘肅西北境之戎

處之中國自是伊洛之濱又有姜戎陰戎陸渾之戎當時所謂戎

狄者非盡與漢人異類姜戎與齊同姓晉獻公所滅驪戎者與周同姓又有大戎者與晉同出於唐叔唯其禮俗與戎侷故謂之戎猶東南之徐楚吳越皆出於漢種而號為蠻夷也一四春秋中戎

狄漸衰晉襄公敗白狄獲其君景公滅赤狄諸國悼公和山戎諸部昭公滅肥今直隸正定府藁城縣頃公滅鼓今正定府晉州二國皆白狄別種也陸渾之

戎亦為頃公所滅其別部蠻氏居河南汝州地至春秋末楚昭王滅之戰國

初秦厲公伐大荔取其王城伐義渠虜其王趙襄子北畧狄土韓魏滅伊洛陰戎餘種西走自是戎狄益遠矣三四東南之夷雖極

蠢愚非如戎狄之倔强難制及楚之盛羣蠻莫不懼服吳踵起淮濱諸夷皆屬焉徐夷在西周盛時為強國至春秋而微遂為吳所

滅蠻夷已屬吳楚風俗漸變其不從化者或匿於山谷或逃於海濱而江淮遂為衣冠之鄉矣一四節是故戰國之時雖支那甚亂夷

狄之遠斥勝於三代盛時其後秦惠文王并巴蜀昭襄王滅義渠趙武靈王破林胡樓煩見一六節燕將秦開擊却東胡三國皆大拓土

疆築長城以拒諸胡及秦并六國華夏之地東漸于海西據隴山

北包恒山南達南嶺縱橫四百里夷狄殆絕蹤而南嶺之南今福建兩廣

百越散處巫黔之西南今湖廣西境四川東南境及貴州雲南二省土蠻據之隴蜀之西今甘肅四川西

境氏羗諸部居之俱無甚大者唯東胡匈奴月氏並在塞外為夷狄強國東胡即山戎今滿洲諸種之先也月氏居甘肅西北境甘

種蓋與殷周之獯鬻獫狁同類今韃靼諸種之先也諸胡皆無城

郭常處以畜牧射獵為業貴壯賤老不知禮義父死妻其後母兄弟死亦取其妻故漢人賤斥至以為犬猪之類

第七篇 世態及文事

第一章 名字姓氏及世族

一四夏商之世有名有姓而無字與謚亦無氏貴賤皆呼其名不相諱至周世呼字之俗起丈夫二十冠而命字自稱以名稱人以字而不相呼名唯於臣子及幼賤者則名之一四諡法亦自周始人死則誅其行以立謚而諱生時名有物與死者同名臣子必易其物名秦始皇一廢謚法漢尋復之周漢之際制謚用一二字唐宋以來帝王謚號字數益多至累二十餘字且君父之名雖生時諱之併同音之字盡避之此周制所未有也一四姓者生也所以明世系所出而別種族也氏者猶家所以表家門也故一姓分爲數十百氏姓之起在太古據古史五帝皆有姓唐虞時種族甚多有百姓之稱及周興姬姓繁衍於華夷異姓漸絀然猶有二十餘姓周衰姜芈媯嬴踵興與諸姬相軋而他姓愈微一四氏始於以地

名冠名自周以前亦有之然非人人必用之周時王子王孫公卿諸侯大抵以國邑爲氏後裔雖亡其地亦襲稱之諸侯子孫稱公子公孫公孫之子以王父字爲族世臣率以邑爲族官有世功則有官族族者氏之支別也通謂之氏男子冠名以氏而不稱姓姓者婦人所稱也故其字多從女如姬姜媯嬴之屬及戰國時婦人亦不稱姓而姓之用廢自是謂氏族曰姓姓與氏無有異義一四古俗甚重世系羣姓皆稱神聖之裔唐虞大臣如禹臯陶稷契之屬皆出於名族唯在商世伊尹傳說自匹夫陞於宰輔實爲駭世之事至周世封建世祿之制益備王朝公卿莫非有土之君諸侯執政亦皆世臣成例相沿視爲當然士庶人各守其業雖有俊傑不得進爲卿相以孔子之賢聖一用於魯亦不過位大夫積弊漸甚暴君濫用世傳之權力強臣大族又篡弑相仍禍亂無已民苦水火其勢不得不變數百年間諸侯吞滅殆盡其卿大夫亦興亡

益促於是吳起孫臏樂毅廉頗白起王翦等白身而為將蘇秦張儀藺相如范雎蔡澤等徒步而為相卿相之位不復屬世家之專有及秦并六國世侯世卿之家亡滅無遺遂開後世布衣將相之局是古今國勢之一大變也

第二章 嫁娶之制 附官妾

一五周人娶女必於異姓若有娶同姓者世以為失禮之大者買妾不知其姓則卜之恐其同姓也故同姓之國雖氏族已別疏遠至數十世不相通婚魯昭公娶吳姬為二十世兄弟自嫌其違禮不謂之姬氏而曰孟子子者宋姓也異姓相婚者雖甥舅之親不必避之故如齊之於周魯世相婚媾常為重親 一五此俗非始於周其所由來尚矣夏商皆稱女以姓姓之用殆似為嫁娶設者蓋支那之始立國也羣后列據四方不相混和王者雖能以德與力盡服九州然異姓之相競爭竟不可遏其於王家亦非如宗藩之親

附無間而求萬邦協和甚難故由嫁娶以合異姓者在當時為切要之事從是歷代因仍成俗遂為不易之法矣後人從為之說曰同姓之不娶為重親不育也重親不育或有其理然同姓之婚則以其重親嫌之而異姓之重親則不以為非禮此上世和異姓之便法而非出於避重親之意也漢人至今猶守此禮不敢娶同姓然今之姓古之氏族也其稱異姓者縱令同其遠祖亦得相婚故拘避不如古之嚴也 一五太古男女無別知母而不知父及嫁娶之禮起而配偶始定然一夫配眾婦妻妾之名義不明傳曰帝嚳有四妃其號唯曰元妃次妃等而不言妻妾也舜娶堯二女為妃虞思妻夏少康以一姚亦不聞有嫡庶之分也周時王之嫡妻曰后諸侯曰夫人大夫曰內子皆與其夫齊位羣妾莫敢與為匹於是嫡庶之分始嚴矣 一五諸侯嫁女列國使同姓二國以其女媵之二女皆以姪娣相從姊妹姑姪並為列妾故國君一娶得九女

夫人早死則繼之以媵或以姪婦而不再娶王納后妃蓋亦如此而其制不詳王及諸侯皆以其羣妾為內官王之內官凡一百餘人有夫人嬪御世婦等之號其貴寵者位視公卿王立六宮諸侯三宮以處衆女至戰國時諸侯拘女益衆大國累千小國累百怨氣常盈宮中一五王侯宮庭有宦官者闖人也國法罪人有宮刑故國多闖人因以供宮中使令或監守羣妾周時謂之寺人戰國以後謂之中人又曰宦官宦官本刑餘之人不得齒於士人然常出入宮禁以得侍王侯接后妃動輒用事於中朝士畏憚之齊桓公死而國亂由寺人專權也秦之帝業亦由宦者而敗其後漢唐明皆被宦官之禍歷朝皆知其為國害而不能去之蓋人主畜私無度宮掖猥濫非用此輩無可以治內事也

第三章

喪祭之禮附卜筮仙術

一五支那上世甚重祭祀以為國家之大事天地日月星辰山川林

澤皆神而祭之不營神祠不設神像或作主或望祭之天神最尊者曰昊天上帝或唯言天王稱天子謂代天治民也諸侯滅王而代其位必稱受天之命王者築壇于國都南郊燔柴祀之以其祖配食焉謂之郊祀郊祀者王之大禮諸侯以下不得行之尊次上帝者為社稷社土神后土配之稷穀神后稷配之社稷則諸侯亦得立之又有州社里社蓋其所祭之神與王不同也又有大采朝日少采夕月之禮以日月之食為災變孟夏日食則王為之不舉伐鼓於社以責羣陰王祭九州名山大川諸侯祭境內山川山崩川竭及有水旱之災則君降服撤樂祝用幣史用辭以禱羣神自漢魏以來祀地祇于北郊其禮視南郊天地羣神從祀兩郊又祀日于東郊祀月于西郊於是四郊皆有祭壇一五支那喪禮之厚他國之所未見也周公立制節目詳備哭泣擗踊皆有法人死則必先復復者呼魂之禮也次有沐浴飯含小斂大斂之禮衣衾棺

擲務盡其美棺厚五寸餘擲稱之自王至庶人皆然大斂終則殯不敢輒葬王七日而殯七月而葬諸侯五日殯五月葬大夫士三日殯三月或踰月葬喪期其長為父母斬衰二十五月謂之三年之喪其次齊衰十三月謂之期喪其次有大功小功總麻之服自九月至三月王崩羣臣諸侯皆居喪三年嗣王不親政謂之諒闇百官皆聽於冢宰諸侯薨亦準之一五自王至士皆立廟歲時修祭以致孝敬微福祉有事必告焉王有七廟二祧及四親廟為三昭三穆與太祖之廟而七夏祖禹商祖契周祖后稷皆郊祀配天其主百世不遷祧者遷主所藏之廟也親廟親盡則遷其主於祧而致新主於廟諸侯五廟無二祧以太祖之廟為祧大夫三廟士一廟庶人無廟祭於寢八節祖考之祭必撰族人使服死者遺衣服以象其生時坐神主之側名之曰尸祭者北面事之獻奠致禮謂鬼神憑尸來格也凡祭以牛若羊豕為犧牲以黍稷為粢盛王


侯行親耕之禮以勸農事取其田之收以供粢盛后夫人行親蠶之禮以勸蠶事繅其繭絲以為祭服此二禮歷代帝后多遵行之至今不廢一五卜筮之法傳自太古灼龜甲而視其兆以占吉凶謂之卜設揲著之法察數以占謂之筮王侯藏大龜於宗廟以為寶器國有大事必卜之於廟列國有卜筮之官列於大夫又有星占之術察日星之變以推人事之吉凶兼候雲氣言其災祥總謂之天道此太史所職也一六戰國時燕人宋毋忌羨門子高之徒稱有仙化之術怪迂之士爭傳習之且言海中有三神山曰蓬萊方丈瀛洲諸仙人及不死之藥皆在焉齊威王宣王燕昭王皆信其言至使人入海求之自是神仙之說行於世燕齊海上多方術士



第四章 陰陽五行之說

一六支那神道以陰陽五行為本根其說起於太古浸滌於人心甚

深儒墨道法兵醫諸家皆不能脫其範圍以為天地有二元氣此造化之兩極也謂之陰陽天陽而地陰日陽而月陰晝夜寒暑死生動靜無非陰陽於人為男女於禽獸為雌雄牝牡於位為君臣上下於德為剛柔萬物皆由二氣而成卜筮者數衍此理者也以為陰陽各分為老少謂之四象少陽老陽少陰老陰四象又生八卦乾坤震巽坎離艮兌龜兆之所示者即是也遂以八卦相重為六十四卦卦有六爻以極造化之變揲著以得卦爻因定吉凶是周易筮法也一六五行者謂水火木金土也其說曰木火屬陽金水屬陰而土居其中間五者運行氣為五味發為五聲音章為五色方有五位歲有五時人有五事以脩五德天有五徵休徵咎徵各應五事之得失且言太古神人為五行之官是謂五官封為上公祀為貴神木正曰句芒火正曰祝融金正曰蓐收水正曰玄冥土正曰后土后土即配王之社者也又以太古聖帝配之五行大皞配木炎帝配火黃帝配土

少皞配金顓頊配水五帝分主五方五時而五官為之佐或言天有五行之神佐成上帝曰青帝赤帝黃帝白帝黑帝是為五帝而大皞之屬配焉故亦云帝秦自襄公文公皆祭白帝其後祭青帝黃帝赤帝各作其時漢高祖入秦作北時以祭黑帝於是雍有五時一六又有五德終始之說曰五行更旺終始相生王者易代取法於斯大皞首以木德王火土金水相繼代之以所生之行轉相承也或曰五行相勝王者以其所勝相承也秦始皇漢武帝用相勝之說後代皆從相生之說相勝相生之次序如左圖





四節 五行之說至漢儒益敷衍之舉天地變異災祥皆分其類而歸之於五行之力乃以人事之吉凶而曲為之配且儒家之於五常醫家之於五臟天文家之於五星皆無不依五行為說凡支那事物多以五成者蓋由其強配五行也爰據周漢人所說作五行配當之圖附記於左

土	火	木	行	五
香	焦	糧	臭	五
甘	苦	酸	味	五
宮	徵	角	聲	五
黃	赤	青	色	五
中央	南	東	方	五
土	夏	春	時	五
用	言	視	事	五
思	從	明	德	五
睿	暘	燠	徵	五
風	衡	泰	嶽	五
嵩	燿	燾	星	五
壇	感	青	天帝	五
壘	帝	帝	人帝	五
黃	帝	炎	官神	五
帝	祝	句	祀	五
后	融	芒	戶	五
土	竈	肺	脾	五
中	心	禮	仁	五
雷	信	羽	鱗	五
心	贏	九	數	五

* 休徵曰時如時燠時暘 咎徵曰恒如恒燠恒暘

金	水
腥	朽
辛	鹹
商	羽
白	黑
西	北
秋	冬
聽	貌
聰	恭
寒	兩
華	恒
太白	辰
白帝	星
少皞	黑帝
蓐收	顓
門	頊
肝	行
義	腎
毛	智
七	介
	六

第五章 文書之沿革

一六節 支那文字之作在唐虞以前摸寫形體以表庶物謂之象形如日月山水是也其數凡六百餘形之難象者以符號表其義謂之指事如數字及上下左右是也其數凡一百餘合二字并取其義以表新義謂之會意如日月為明口鳥為鳴是也其數凡七百餘合二字一取其義一取其聲謂之諧聲如江河皆水而工可為聲崑崙皆從山而昆侖為聲是也太古始制字主指事象形而兩間事物不可一一作新形以表之故以會意補之以諧聲成之諧聲甚多鳥獸蟲魚草木金石之名殆皆是也漢言以一音成義西人名之曰單音語單音一千餘各具其義又有一音而兼數義則製數字以表其義例如白之一音有許多義先因象形作白字又假

其字為聲以作伯拍泊舶等字上加一則為百百又從阜則為陌
 蓋上世所用文字已不下五千其後歷代增加至五萬餘字
 上世有筆墨而未有木皮紙或書於木或書於竹故札檄等字從
 木篇籍等字從竹或用縑帛為紙故紙字從糸典籍大抵以漆液
 書竹簡以韋編之卷而藏之故算書冊以卷數秦始皇時內史蒙
 恬始精毛筆之製至後漢世宦者蔡倫造意用樹皮弊布等擣抄
 作紙文書之用於是益便古文變體極多字畫率皆糾繞蟠屈殆
 類畫圖其以漆液書者頭圓大而尾細形似蝌蚪故名蝌蚪文周
 宣王時太史籀作篆書又名籀文秦丞相李斯等增損籀文作秦
 篆世謂之小篆謂籀文為大篆獄吏程邈繼造隸書字畫從省簡
 施之徒隸也自漢以來楷行草三體又作書樣較篆隸更簡捷自
 是三體長為常用之書而印璽及碑刻則用篆隸

字體變遷圖

草書	行書	楷書	隸書	篆書	古文	上	下	左	右	日	月	山	水	鹿	馬	魚	鳥
以	上	上	上	上	上	上	下	左	右	日	月	山	水	鹿	馬	魚	鳥
以	下	下	下	下	下	下	左	右	日	月	山	水	鹿	馬	魚	鳥	
以	左	左	左	左	左	左	右	日	月	山	水	鹿	馬	魚	鳥		
以	右	右	右	右	右	右	日	月	山	水	鹿	馬	魚	鳥			
以	日	日	日	日	日	日	月	山	水	鹿	馬	魚	鳥				
以	月	月	月	月	月	月	山	水	鹿	馬	魚	鳥					
以	山	山	山	山	山	山	水	鹿	馬	魚	鳥						
以	水	水	水	水	水	水	鹿	馬	魚	鳥							
以	鹿	鹿	鹿	鹿	鹿	鹿	馬	魚	鳥								
以	馬	馬	馬	馬	馬	馬	魚	鳥									
以	魚	魚	魚	魚	魚	魚	鳥										
以	鳥	鳥	鳥	鳥	鳥	鳥											

第六章 先秦典籍

一六節 支那典籍最古者為詩書易春秋詩者周時之歌也有三類曰
 國風曰雅曰頌國風諸國之歌謠雅燕饗朝會之樂歌頌宗廟之
 樂歌也今存者三百五篇雅頌作者大抵周名臣也 一六節 書又名

尚書三代史官記大政大事者也夏書四篇堯典記堯舜政治皋陶謨記舜禹皋陶訓戒之言禹貢記禹成功甘誓記啟征有扈軍令四篇之作蓋在四千年前天下古史存於世者恐莫舊於此其次商書五篇周書十九篇合二十八篇文辭皆極奇古與周末文頗異一六節易者著筮之書也列記卦爻之辭以示吉凶相傳以為周初之作故曰周易有傳十篇謂之十翼蓋儒流好易者所加也上世重龜卜甚於著筮而卜書不傳一七節春秋者魯史記也孔子筆削之正名顯實以討僭亂儒者重之以為王法寓之然文辭甚簡不足以考史事公羊穀梁左氏各為之傳左氏三十卷叙事最詳東周二百五十年五霸功業列國盛衰歷歷可觀又有國語戰國策國語記春秋列國之言談與左氏相表裏國策記戰國人之策謀多從橫權詐之言周末之史可得考者賴此三書存也一七節儒者立六經之目謂詩書禮樂易春秋也樂書失傳其論散見於

於禮書中故又稱五經禮有周禮儀禮禮記謂之三禮皆成於戰

國或漢初周禮擬周制叙天地四時六官

天官大冢宰地官大司徒春官大宗伯夏官大司馬秋官大司寇冬

官大司寇輯諸儒雜著者也多論禮制之義唐代立五經於學官禮獨取禮

記後人多從之禮記四十九篇中有大學中庸二篇俱論脩身治

人之道辭理精妙踰於他篇宋儒表出之以配論語孟子謂之四

書四書五經儒家所奉以為聖典也一七節論語二十篇孔子及門

弟子之語而後人所輯而撰錄也孔子不著書經傳諸子載其語

者多出假托故可見孔子之真者莫如此書孟子者孟軻所自著

也軻戰國大儒後世以孔孟並稱軻之後有荀况亦儒家之名世

者也其書曰荀子一七節先秦諸子之書流傳於世者數十部儒家

之外有道家墨家法家兵家從橫家等老子莊子列子三書道家

尊奉之號為真經墨子及晏子春秋墨家之所主管子商子韓非

子法家之所宗也。三家大旨畧載於次篇。又兵家有孫吳尉繚子。從橫家有鬼谷子。孫子者孫武之書。吳子者吳起之書也。吳起仕魏楚。見第五篇。孫武與尉繚。出處不明。或曰武事。吳王闔廬建軍功。然左氏詳叙吳事。絕不見武之名。恐非事實。孫子文辭精絕。頗多格言。故不獨兵家尚之。文士亦愛讀。不措鬼谷子。卽所謂鬼谷先生。蘇秦張儀之師也。其書專論陰謀權術。以上諸書皆支那文籍之英華。後世學者以爲不可及。文士取材於斯。哲學士求道於斯。皆無不誦讀講究。

第八篇 先秦諸子

第一章 學風之變動

一七唐虞時契爲司徒敷五教夔典樂以教胄子此支那教育之始
四節見於書者也三代立學之制國都有國學鄉邑有鄉校夏曰校殷曰序周曰庠校者教也庠者養也序者射也皆鄉校也國學則三代共曰學學校庠序皆以禮樂射御書數爲教科謂之六藝時時舉行養老之典以教民孝弟
一七五節周代尚文禮樂之盛過於夏殷經禮三百曲禮三千制度典章拘綴繁碎士大夫終世局促於玉帛鐘鼓之間不遑考察物理論議政法其習射御亦主講禮非以養勇武此皆周家防亂之術而其所以流於文弱者亦由是也春秋時雖周制已壞學者猶崇尚舊風專攻詩書禮樂其諳典故識名物者謂之博物列國史官世守家學不敢有所變通君臣徒修威儀事虛文而無補於治人心益壞不可復救春秋之末孔子出

世大振作學者儒學自是興焉然亦不敢創立新說專由古道而修飾之也老聃蓋有所見於時弊違世離俗欲求道德於禮義之外而矯枉過直去真理益遠然開異說之端以鼓動人智者實老子之書也一七及戰國時支那大亂士競智勇於是學者各造新說以訴於世學校雖廢文學未墜於地楊墨之徒出與儒者相抗儒分為八墨離為三又有述黃帝之道者有為神農之言者列莊騁虛無之辨申韓術法術之學孟軻道性善荀卿論性惡宋研尹文騶衍慎到之屬亦各有所主兵家論兵從橫家說權謀正邪相混純駁並陳然各出卓見不敢蹈襲前人支那人智之活動未有盛於此時也一七漢晉以後老莊之說流為道教與佛法共行於愚俗而士君子大抵誦法孔子歷朝治體專本儒教自是經義制抑人心學者莫敢捨古道發新義百家論著累千萬部而諸經之註釋衍義幾居其半其不依儒旨者如道法諸流亦皆淵源於先秦少有出於後人創見者故欲觀支那之學風者要先知先秦諸子之主論也

第二章 孔子畧傳

一七孔子字仲尼魯人也生而好禮為兒嬉戲常陳俎豆設禮容魯八節周公之後也周禮盡在焉士大夫皆嫻於禮儀孔子長於其間見聞甚熟夙以知禮聞為人溫而厲威而不猛恭而安動容周旋皆中禮一七孔子博學而多能詩書六藝無所不通少時貧賤嘗為委吏矣則會計當嘗為乘田矣則牛羊蕃息比三十餘歲避魯亂適于齊齊景公欲待以卿而不果反于魯以詩書禮樂教弟子四方來學者彌衆後為魯司寇定公用之不終事見第四篇孔子周遊列國所至不遇畏于匡鄭邑今直隸大名府長垣縣厄於宋彷徨于鄭衛窮于陳蔡之間六十八歲而歸魯修禮正樂筆削春秋以周敬王四十一年紀元百八十二年卒時年七十二葬魯城北泗上門人皆心喪三年魯人徙從

冢而居者百有餘家因名曰孔里魯世世相傳以歲時奉祠諸儒講禮於冢側後世因其故堂作廟藏孔子衣冠琴書號為聖廟

一八節孔子述而不作信而好古其崇禮樂重喪祭敬鬼神畏天命皆師古也孟子曰孔子集大成謂集古意而構成儒道也其言平易而極簡核無浮辭其說治國必本之於脩身修身治國不二其道

故少言及政術者論德而不論性說人道而不說天道其所常言孝弟忠信禮義勇智之事而以仁為眾德之宗以恕為求仁之方

詩書禮樂皆為養德之具也 一八節孔子誨人諄諄不倦弟子蓋三千矣知名者七十餘人顏回最賢貧而樂道早死孔子哭之慟曰

噫天喪予曾參閔損皆純孝孔子稱之冉耕冉雍有德行與顏閔齊名宰予端木賜善為說辭冉求仲由長於政事言偃卜商長於

文學有若顓孫師公西赤之徒亦各有所得諸子出處不詳仲由冉求冉雍皆嘗為季氏宰端木賜言偃皆仕魯仲由後仕衛孔氏

死於其難卜商字子夏孔子沒後居西河教授魏文侯所師者是也孔子生鯉先卒鯉生伋字子思學於曾子名顯於諸侯孔子裔

孫達者頗多歷代帝王奉孔子為先師求其後尊以爵秩以祠聖廟至今不絕

第三章 老子及楊墨列莊

一八節李耳字聃世謂之老聃楚苦邑 今河南歸德府鹿邑縣人也與孔子同時仕周

為藏書室之史見周衰去之西至關關尹喜曰子將隱矣強為我著書老子乃著一書而去莫知其所終其書五千餘言後人名曰

道德經其文簡奧難解大旨言道存於自然不假人為仁義者道之廢也禮樂者德之薄也柔弱謙下虛靜無為是謂玄德柔能制

剛弱能勝強謙下不爭則天下莫能與之爭虛靜之極萬物自化是無為而無不為也聖人使民無知無欲故善治也老子不尚唐

虞三代之治世謂其說本於黃帝遂有擬作黃帝書者故號曰黃

老之道及方士之徒作爭言長生飛仙之術道教由之而興推老子為教祖號太上老君以為天神之化生一節自老子一唱異說揚朱墨翟列禦寇莊周之徒相繼起焉揚朱之說主自愛逸身樂生不要名利從性而遊不逆萬物損一毛而利天下不為也悉天下奉一身不取也以謂人人不損一毛不利天下天下治矣揚朱不知何處人其書不傳四節墨翟宋大夫也其說主兼愛嫌世之侈靡尚儉約節用論聲樂之弊辨厚葬久喪之害又信鬼神之賞罰而非天命前定之說稱禹之形勞汜愛博施不避窮苦雖摩頂放踵利天下為之也其徒甚衆生不歌死不服衣褐穿踏奔走四方墨子書今存五十三篇又有晏子春秋蓋墨子之徒撰之晏嬰以儉名於世故墨者述其行事以明己術也五節列禦寇鄭人也當周安王時其說宗老子一死生齊是非虛靜無為以求合於道莊周宋之蒙邑名故城在河南歸德府城東北人也為蒙漆園吏博學善屬文著書十

餘萬言率寓言也說同列子而更高妙離儒墨之是非泐洋自恣文極奇變

第四章 孟荀及同時諸子

一八節孟軻春秋邦國今山東兗州府鄒縣人也後於孔子百有餘年與莊子同時而不相知受業子思之門人道既通適魏魏惠王不能用遊事齊宣王在三卿之中不遇而去往來于宋魯滕薛二國故城皆在兗州府滕縣之間求行道之地而不得退與萬章之徒作孟子七篇七節孟子之言雄偉明快冠於諸子辨王霸曰以力假仁者霸以德行仁者王常鄙桓文之霸業罵功利之徒以為民賊說齊魏之君以行仁政而王然戰國方務富強聞所謂王道之說莫不以為迂濶孟子已不得志於諸侯以明儒教為己任痛斥揚墨之說曰楊氏為我是無君也墨氏兼愛是無父也無父無君是禽獸也孟子唱性善之說謂人皆有仁義禮智之端後儒談性理者皆宗之八節孟子之時學士論

客甚衆蘇秦張儀公孫衍等遊說諸侯亦在此時宋鉞尹文尚名法而惡攻戰上說下教見侮不辱忍飢寡欲急於救民頗類墨者

尹文居齊稷下稷山名在齊都南稱能言者著尹子二卷稷下者齊宣王置

賓客處也宣王好文學遊說之士賜列第尊寵之淳于髡駟衍慎

到田駟駟之徒七十六人皆為大夫不治事而議論於是稷下

學士盛且數百千人淳于髡學無所主博聞強記稱為多智駟衍

之言怪迂而閎大然要歸於仁義後為燕昭王師慎子述名法非

世之尚賢田駟駟皆著書今不傳又有詭辨之徒飾辭巧譬倒

是非淆真偽繳紛爭言以相樂魏相惠施趙人公孫龍其雄也

是非淆真偽繳紛爭言以相樂魏相惠施趙人公孫龍其雄也

原以楚辭著焉屈原楚世家也為懷王左徒志潔行廉明於治體

王甚任之後以讒見疏作離騷以自怨頃襄王又遷之于江南竟

投于汨羅水名在湖南長沙府湘陰縣而死屈原之辭悽惋動人怨而不恚紹風雅

之遺音為後世辭賦之祖一九節荀况趙人也少遊學于齊齊襄王

時荀卿最為老師後適楚春申君以為蘭陵春秋鄆國今山東兗州府澤縣今不大用

而沒荀卿之書論禮最詳率述周制排擊墨子之尚儉非樂以為

不知文其斥神怪災祥形相之說在當時為卓見論性正與孟子

相反曰人之性惡其善者偽也偽者矯飾之謂也人從其性則必

歸於亂聖人起禮義以矯飾之使皆出於治合於道遂詆子思孟

軻以為飾邪說與慎墨宋惠之徒并排之後儒多疵之

第五章 法家諸子


一九節法家以李悝為祖申不害商鞅次之韓非又次之四子之事畧

見戰國篇中管子書雖託名管仲蓋成於後人述管仲治國之術

雜以陰陽五行之談虛靜因應之說其言非盡仲父之真然其重

賞罰任法而不任智及富國強兵之策法家多祖尚之一九節李悝

集諸國刑書著法經六篇商鞅傳之改法為律支那歷代法律實



三代世系

夏 姒姓受禪凡十七世四百有餘年為商湯所滅

- 一 大禹
- 二 啓
- 三 太康
- 四 仲康
- 五 相
- 六 少康
- 七 杼
- 八 槐
- 九 芒
- 十 泄
- 十一 不降
- 十二 孔甲

商 子姓契之後滅夏代之凡三十世六百有餘年盤庚以後又號殷為周武王所滅

- 一 成湯履
- 二 外丙
- 三 仲壬
- 四 太甲
- 五 沃丁
- 六 太庚
- 七 小甲
- 八 雍己
- 九 中宗太戊
- 十 仲丁
- 十一 外壬
- 十二 河亶甲
- 十三 祖乙
- 十四 祖辛
- 十五 祖丁
- 十六 南庚
- 十七 高宗武丁
- 十八 祖甲
- 十九 庚丁
- 二十 武乙
- 二十一 文丁
- 二十二 帝乙
- 二十三 紂辛

周 姬姓后稷之後滅商代之凡三十七世八百七十七年平王以後曰東周為秦昭襄王所滅

- 古公大王 亶父
- 公季 王季 歷
- 西伯 文王 昌
- 武王 發
- 成王 誦
- 康王 釗
- 昭王 瑑
- 穆王 滿
- 共王 伊扈
- 懿王 囂
- 夷王 燹
- 厲王 胡
- 宣王 靜
- 幽王 宮涅
- 平王 宜臼
- 太子 洩父
- 桓王 林
- 莊王 佗
- 僖王 胡齊
- 惠王 闞
- 襄王 鄭
- 頃王 壬臣
- 匡王 班
- 簡王 夷
- 靈王 泄心
- 景王 貴
- 悼王 猛
- 敬王 匄
- 貞王 介
- 元王 赤
- 哀王 去疾
- 思王 叔
- 考王 嵬
- 威烈王 午
- 安王 驕
- 烈王 喜
- 顯王 扁
- 慎靚王 定
- 赧王 延

齊晉及七國世系

齊 侯爵姜姓呂氏太公望之所封至桓公霸諸侯有國三十二世七百五十年為田氏所篡

晉 侯爵姬姓武王弟唐叔虞之所封至文公始霸有國三十九世七百三十年為魏趙韓氏所分

- 桓公 小白
- 惠公 元
- 昭公 昭
- 懿公 商人
- 靈公 無野
- 莊公 光
- 景公 杵臼
- 悼公 陽生
- 宣公 積
- 康公 貸
- 文公 重耳
- 襄公 驩
- 靈公 夷臯
- 惠伯 談
- 悼公 周
- 平公 彪
- 昭公 夷
- 頃公 去疾
- 定公 午
- 出公 鑿
- 懿公 驕
- 幽公 柳
- 烈公 止
- 孝公 傾
- 靜公 俱酒
- 桓子 雍
- 忌

楚

子爵羊姓熊繹之所封至武王始大有國四十一世八百七十若八九十年為秦王政所滅

武王熊通

文王熊資

杜敖

穆王商臣

莊王旅

共王審

康王昭

昭王壬

惠王章

簡王仲

聲王當

悼王類

肅王臧

宣王良夫

靈王圍

平王居

威王商

懷王槐

頃襄王橫

考烈王完

幽王悍

哀王郝

平王居

昭王壬

威王商

懷王槐

頃襄王橫

考烈王完

幽王悍

哀王郝

負芻

後齊

侯爵馮姓田氏虞舜之後陳侯之支族世為齊卿周威烈王時田和為諸侯有國七世百六十六年為秦所滅

太公和

桓公午

威王因齊

宣王辟疆

湣王地

襄王法章

王建

魏

侯爵姬姓魏氏武王弟畢公高之後世為晉卿周威烈王時魏斯為諸侯有國九世百七十九年為秦所滅

文侯斯

武侯擊

惠王登

襄王嗣

哀王

昭王遯

安釐王圉

景閔王增

王假

趙

侯爵嬴姓趙氏伯益之後世為晉卿周威烈王時趙籍為諸侯有國十一世百八十二年為秦所滅

烈侯籍

敬侯章

成侯種

肅侯語

武靈王雍

惠文王何

代王嘉

幽繆王遷

武侯

韓

侯爵姬姓韓氏晉侯之支族世為晉卿周威烈王時韓度為諸侯有國十一世百七十四年為秦所滅

景侯虔

烈侯取

文侯

哀侯

懿侯

昭侯

宣惠王

襄王倉

燕

伯爵姬姓召公奭之後世為晉卿周威烈王時燕伯奭為諸侯有國四十三世九百年為秦所滅

九禧王咎

桓惠王

王安

文公

易王

昭王平

惠王

武成王

孝王

王喜

秦

伯爵嬴姓伯益之後東周初襄公始封至穆公霸西戎至昭襄王滅周為諸侯三十一世五百五十年卒為皇帝

穆公任好

康公瑩

共公和

桓公

景公

哀公

太子夷公

惠公

悼公

厲共公

躁公

昭子

靈公

獻公師隰

孝公渠梁

惠文王駟

昭襄王

孝文王柱

莊襄王楚

王政是為始皇帝

周秦列王在位年數

周 三十七王 八
百六十七年

武王

為西伯十二年
在王位七年

成王

三十
七年

康王

二十
六年

昭王

五十
一年

共王

十二
年

懿王

二十
五年

孝王

十五
年

夷王

十六
年

幽王

十一
年

平王

五十
一年

桓王

二十
三年

莊王

十五
年

襄王

三十
三年

頃王

六年
年

匡王

六年
年

定王

二十
一年

景王

二十
五年

悼王

不踰
年

敬王

四十
四年

元王

七年
年

思王

不踰
年

考王

十五
年

威烈王

二十
四年

安王

二十
六年

慎靚王

六年
年

赧王

五十
九年

威烈王

二十
四年

安王

二十
六年

慎靚王

六年
年

赧王

五十
九年

威烈王

二十
四年

安王

二十
六年

支那通史卷之一 附錄

秦 六王百有四年

惠文王 周顯王三十一年立為秦君顯王四十四年稱王在王位十五年

悼武王 在王位二十四年

昭襄王 五十六年其五十一并周

孝文王 年一 莊襄王 年三

王政 在王位二十五年明年稱皇帝



支那通史卷之一終

平山政太郎書
江川八左衛門刻

支那通史一之卷

明治二十一年九月一日印刷
同年九月八日出版
同年十二月廿五日誤字訂正印刷再版

定價金五十錢

東京府士族

編者

那珂通世

東京府士族

宮川保全



發行兼印刷者

日本橋區通塩町八番地

發行所

大賣捌

中央堂
金港堂

全區本町三丁目

